

bosansko-hercegovački magazin

EUROPPA

mart 2015

**Emir Hadžihafizbegović:
Ja više šutjeti ne mogu !!!
Intervju: Muhamed Filipović
“Sukob naroda i vlasti nije dovršen!”
Uzduž i poprijeko kroz BiH: Kalinovik**

ISSN 1939-3423



0 74470 27004 1

Svim pripadnicama ljepšeg pola uredništvo Europa Magazina čestita 8. mart, Dan Žena!

ADVOKATSKA KANCELARIJA

Aleksandra H. Bronsted, PC

Attorney at Law



Aleksandra H. Bronsted

Osobne ozljede zadobivene:

Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice

**6065 Lake Forrest Dr.
Suite 200
Atlanta, GA 30328**



Porodično pravo/Divorce

Krivično pravo/Criminal Law

D.U.I

Phone: (770) 451-3818 • Fax: (770) 451-3922

Prvi advokat u Atlanti sa kojim možete razgovarati na Vašem jeziku!

U ovom broju:

4 Kolumna

Edip na Facebooku

12 Bosna i Hercegovina

Bogati se bogate, siromašnima sve teže

18 Intervju

Muhamed Filipović:

Sukob naroda i vlasti nije dovršen!

26 Društvo

Uzduž i poprijeko kroz BiH:

Kalinovik

32 Nauka

34 Automobili

36 Muzika

38 Film

40 Sport

44 Zabava

46 Oglasi

PROUD MEMBER

Gwinnett Chamber 



GLEDAJTE VAŠ OMILJENI PROGRAM



FASTV-kanal# 19

NETTV-kanal# 25

BOSNATV-kanal# 20

Nudimo nevjerovatne cijene oglašavanja na najgledanijem satelitskom programu Hayat PLUS. Kontaktirajte nas putem telefona 678 743 5731 ili mailom na redakcija@europamagazine.info. Uvjerite se i sami da je reklamiranje na televiziji pristupačnije nego što mislite!



tel.: + 387 33 580 900

fax: + 387 33 580 909

prodaja@hayat.ba

www.hayat.ba

Edip na Facebook-u

Posljednje godine života majka je provela na Facebooku. Otkriće društvenih mreža ne samo da je bilo posljednji veliki događaj u njenom životu nego je tada, 2009. godine, u svojoj šezdeset i osmoj, nakon dva srušena braka, desetak rasturenih veza, jednoga neurednog i plitkog majčinstva i tolikih zapuštenih poznanstava i neuspjelih prijateljstava, pronašla idealan oblik svoje društvenosti.

Imala je dvjestotinjak prijatelja prema kojima je bila dobra i brižna, i koji je – što je veoma važno – nijednog trenutka nisu opterećivali. Bili su njeni tamagočiji, a ona će im ostati do kraja odana. Dok je bolovala, uzdajući se u čudo ozdravljenja, zamisljala je kako će doći do svoga radnog stola, sjesti za kompjuter, svim svojim virtualnim prijateljima i prijateljicama objaviti da joj je bolje. Posljednjih devet mjeseci provela je bez cigareta i Facebooka. Nikotin joj nije nedostajao, ali prijatelji jesu. Tada je Facebook zamijenio ljudska prava i demokraciju.

Dvije su godine otkako je umrla, a meni još uvijek na privatnu mail adresu stižu elektronski obrasci u kojima mi ona nudi – prijateljstvo na Facebooku. To, možda, i ne bi bilo tako čudno i zazorno da imam profil na Facebooku ili da sam prisutan na nekoj drugoj društvenoj mreži, ali ne samo da nije tako, nego mi baš nikada nije na um palo da na takav način komuniciram. Mrtva se majka od žive razlikuje po tome što je živa znala da ne želim biti na Facebooku.

Njene posmrtno ponude mogao bih ovako shvatiti: Facebook je garant čovjekove besmrtnosti, jer, eto, i moja mrtva majka okolo nuđa prijateljstva. Ponudu njenoga hladnog srca morat ću, nažalost, odbiti. Osim što u njoj ima nečega incestuoznog, ne želim biti na društvenim mrežama. I naravno: ne zanima me ni prizivanje duhova. Kada bi mi se, doista, javila iz groba, ne samo ona nego i svi moji mrtvi, uključujući Krležu, Thomasa Manna i Aliju Đerzeleza, ne bih otvorio profil na Facebooku.

Tada je Facebook zamijenio ljudska prava i demokraciju

Nekoliko mi se puta u životu dogodilo da neke ljude smatram prijateljima. Osim u dva-tri slučaja bila je to fatalna greška, zamjena identiteta, lažno predstavljanje. Ali što je to s dvjestotinjak, uglavnom nabrzinu stečenih prijateljstava moje pokojne majke? Ili s hiljadom prijatelja koliko ih, kako sam čuo, imaju neki moji poznanici? Jedna od stvari koja se majci sviđala na Facebooku, i koja ju je istinski uzbuđivala, tako da je i mene – još dok je bila živa – krenula nagovarati da se otisnem na društvene mreže bila je što su joj se javljali ljudi iz njene rane mladosti, i još neka daleka izgubljena rodbina.

Zamisli koga bi sve opet mogao sresti, govorila je, dok je mene hvatao užas od toga da mi se život tako presuvrati i preokrene, i da mi se vrate sva ona lica iz ranih vremena, iz djetinjstava i osnovnih škola, uključujući, zlo i naopako, i sve one moje prve i neostvarene ljubavi. Sve što mi od toga treba imam u sjećanju i u uspomenama. Ono što je baš valjalo iskoristio sam u pričama, romanima, novinskim člancima, i zašto sve to oživljavati putem Facebooka?

Facebook je stvorio opasnu iluziju o popularnosti, i o njevoj važnosti u ljudskome životu. Facebook je, drastičnije od tabloida, stvorio iluziju o važnosti takozvanog javnog mišljenja u svemu i svačemu. A javno mišljenje može i smije biti važno samo – na biralištima i pri brendiranju higijenskih uložaka. Dobro, ne samo higijenskih uložaka, nego i svih drugih potrebnih i bespotrebnih proizvoda. U svemu drugom, mišljenje javnosti ne samo da je suvišno, nego je i opasno, jer je javnost uvijek, ali baš uvijek – huškačka. Danas huškaju na Olivera Frljića, sutra će huškati na nekog drugog, i već se sasvim uklonilo s pameti da bi o pozorišnim predstavama smio govoriti samo onaj koji ih je i gledao, i ima tri dana škole i gledateljskog iskustva da ih i razumije, a da se Frljića može uniziti i poništiti samo ako se ponište svi koji su u Hrvatskoj, Srbiji i Bosni, ali i širom Europe hvalili i nagrađivali njegove predstave.

Trebalo bi pokrenuti pješaštvo i avijaciju da se od Olivera Frljića načini nedarovitog provokatora, kojeg treba protjerati nazad u njegov Travnik (ili u Tuzlu – kako u posljednje vrijeme njegovu zavičajnost pogrešno navode pojedini Facebook hejteri...). Ako je za tu stvar dovoljno "mišljenje javnosti" iskazano uz pomoć Facebooka, tada imamo ozbiljan problem. Tada je Facebook zamijenio ljudska prava i demokraciju. Ali ne moramo o Frljiću, možemo i o Židovima, Srbima, homoseksualcima, antifašistima... Ako javnosti prepustimo pravo na mišljenje, tada nito ko nije javnost neće imati prava da misli. A javnost nisu oni koji misle svojom, a ne javnom ili Facebook glavom.

Novine su sve ono što Facebook ne želi i ne može biti

Postoje zanimanja čiji je smisao da budu mimo javnosti, uz dlaku, ili – kako se to nekad lijepo govorilo – mimo svijeta. Recimo, već spomenuta profesija pozorišnog reditelja je upravo takva. Ili profesija novinara. Pisca. Kada ste političar, naročito u demokratski zapuštenoj zemlji, vaše je da težite za simpatijom što većeg broja punoljetnih pripadnika svoje zajednice, ali kada ste pisac, svejedno u kakvoj zemlji, ne samo da ne trebate nikom biti simpatični, nego je simpatičnost simptom da ste promašili s profesijom. Na pravog se novinara njegov čitatelj ljuti. Prave su novine one s kojima se čitatelj svakoga jutra svađa, ali ih, ipak, kupuje.

To je razlika između novina i Facebooka: na Facebooku svi su prijatelji, čak i ako su hejteri, ili baš zato što su hejteri, dok u novinama prijatelja nema, a ne bi smjelo biti ni hejtera. Novine su sve ono što Facebook ne želi i ne može biti.

Novine su javna platforma niza individualnih glasova, Facebook je privatna platforma na kojoj se uspostavlja kolektivno mišljenje. Facebook je trg na kojem svatko može reći što misli, i svatko tko ima guzicu na trgu i Facebooku ima pravo na mišljenje, dok bi novine trebale biti – akademija.

Trebale bi, ali, nažalost, uglavnom nisu. Novine su posljednja brana individualnog mišljenja pred javnim mnijenjem. Bez novina nema demokracije. Bez obzira na eventualnu urednu izbornu proceduru, bez novina se demokracija pretvara u ru-

ljokraciju.

Prije tačno deset godina, marta 2005, Facebook je izašao izvan ograda sveučilišnog kampusa na Harvardu, i postao javna stvar. Nekoliko mjeseci kasnije, u augustu, registrovana je internetska domena Facebook.com, a u decembru iste godine mreža je imala već pet i pol miliona korisnika. Danas ih je milijarda i pol, živih, ali i mrtvih. Na Facebooku još uvijek nije reguliran fenomen umiranja i sahranjivanja, pa nam zato mrtve majke nude nešto što se žive ne bi usudile. Ne bi Edip bludno zgriješio da se nije petljao po društvenim mrežama. Ne bi s uma sišao, a za njim i bogatija polovica čovječanstva.

Piše: Miljenko Jergović




Maxo & Associates, LLC
Vrijeme za takse 2015
HIDO MAKSUMIC
Dipl. Accountant

Personal & Corporate Taxes,
Bookkeeping, Professional Consulting

Cell: 404.429.6379
E-mail: h_maksumic@yahoo.com

155 Gwinnett Dr, Suite D-2A, Lawrenceville, GA 30046

komentar



Dino Multi-Services
DMS **PREVODI, NOTARSKI I ADMINISTRATIVNI POSLOVI**

Pružamo usluge:

- Notara, Apostille (međunarodna nadovjera dokumenta)
- prevoda i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU
NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
LAWRENCEVILLE, GA 30043
E-MAIL: DKRGO@BELLSOUTH.NET

tel.(678)429-4353

KRGO DINO



Health Insurance and OBAMACARE
Get Covered! 11/15/14 - 02/15/15

FREE Enrollment Help from a LICENSED Professional
Get Answers TODAY!

FREE Consultations (New Plans, Renewing Plans Or Changing Plans)

FULL SERVICE On or Off the Marketplace

Blue Cross Blue Shield
Humana
Kaiser Permanente
Assurant
Coventry Healthcare
Aetna
United Healthcare
Cigna
Ambetter Peach State
and Other Companies

LERO TRAVEL
Phone 404-660-0910
Enver Šejtanić



1405 Wheatfield Drive
Lawrenceville, GA 30043
enver@lerotravel.com
Save money Book online
www.lerotravel.com



Dali Josipovic
(678) 776-1395
Call, Text or Email

Office: 3079 Crossing Park Rd.
Norcross, GA 30071
Email: daliwfg@gmail.com
Fax: (770) 466-5613

Srpski pogledi na Dan nezavisnosti BiH

M Među Srbima u BiH podijeljena su mišljenja o 1. martu. Većina Srba iz RS vjeruje da je tada počeo rat u BiH i da je referendum za nezavisnost bio nelegalan. Drugi ga vide kao kontinuitet antifašističke tradicije.

Kada je riječ o 1. martu, Danu nezavisnosti BiH, među srpskim političarima iz Republike Srpske (RS) gotovo da nema nikakvih nesuglasica. Bez obzira na krupne razlike u odnosu na druga politička pitanja, za veliku većinu srpskih političara iz ovog bh. entiteta 1. mart kao Dan nezavisnosti BiH „ne postoji“. Potvrđuje to i predsjedavajući Predsjedništva BiH, lider Partije demokratskog progresa (PDP) Mladen Ivanić. „Referendum o tzv. nezavisnosti BiH i ubistvo srpskog svata Nikole Gardovića 1. marta 1992. godine u Sarajevu, tragični su događaji koji označavaju početak rata u BiH, i zbog toga Srbi nikada neće učestvovati u obilježavanju tog datuma.

Ako neki praznik duboko iritira i vrijeđa RS i srpski narod u BiH, onda je to svakako 1. mart. Nadam se da će doći do sazrijevanja svijesti, posebno kod političara u Sarajevu, da odustanu od dosadašnje neprimjerene prakse iritiranja i inata, i da ćemo u nekom budućem vremenu kompromisom doći do praznika koji bi bili prihvatljivi za sve narode i građane BiH“, istakao je, između ostalog, Mladen Ivanić.

Referendum 1. marta organiziran „mimo volje srpskog naroda u BiH“

Zastupnica Saveza nezavisnih socijaldemokrata (SNSD) u Zastupničkom domu Parlamenta BiH Dušanka Majkić kaže da je za nju i njene kolege iz SNSD-a 1. mart „običan dan“ i da

on „ne može biti nikakav Dan nezavisnosti“. „Ovakva BiH, u kojoj danas živimo, nije nastala ni 1945. ni 1992. godine, već danom potpisivanja Daytonskog mirovnog sporazuma. 1. mart i danas budi tragična sjećanja u svijesti srpskog naroda kada je, mimo naše volje, organiziran referendum za nezavisnost BiH.

Referendum je bio nelegitiman, jer u njemu nisu učestvovali Srbi, kao konstitutivan narod. Za nas je to datum kada je počeo rat u BiH, dan kada je na Bašćaršiji ubijen srpski svat Nikola Gardović, čime je poslana poruka Srbima da u takvoj BiH za nas više nema mjesta. Zato Srbi neće nikada slaviti taj praznik“, kaže Dušanka Majkić, podsjećajući da u BiH nema konsenzusa oko Zakona o praznicima, zbog čega svako slavi „svoje“ praznike.

„Vežan sam samo za one datume koji meni lično nešto znače“, kaže glavni i odgovorni urednik medijskog portala BUKA Aleksandar Trifunović. „Odrastao sam u vremenu i državi kada je državnim datumima davana prevelika važnost. Bili su važniji od ličnih što je pogrešno. Ispostavilo se da ta forsirana ljubav pa i prema takvim datumima nije donijela ništa dobrog. Nismo ih se sjetili kad smo krenuli jedni na druge, iz bratstva jedinstva u bratoubilački rat. Na isti način se odnosimo prema datumima koji se obilježavaju danas u BiH. Ne znače mi ništa, niti se trudim da uspostavim lični odnos prema njima. Po pravilu radi se o datumima koji u jednom dijelu BiH znače razlog sa slavlje a u drugom ne. Nakon 1. marta BiH je izgubila preko 100.000 ljudi, a milioni su rase-



ljeni. Zemlja je trajno unazađena i dan danas živimo posljedicu tog rata. Zaista ne vidim razlog da se datumi nakon kojih su potekle rijeke krvi slave i obilježavaju kao bilo čiji uspjeh ili neuspjeh. Ti datumi jedino mogu biti podsjetnik da smo svi izgubili", kaže Trifunović.

Sloboda, nezavisnost i cjelovitost BiH su „uzvišeni ideali“

Većina Srba u Federaciji BiH ima drugačije mišljenje. Jedan od osnivača Srpskog građanskog vijeća Sretko Radišić kaže da je 1. mart 1992. godine u istorijskom smislu jedan od najvažnijih datuma za narode i građane BiH.

„Ovaj datum je kontinuitet ZAVNOBiH-a (Zemaljskog antifašističkog vijeća narodnog oslobođenja BiH) kada je naša domovina proglašena samostalnom i ravnopravnom federalnom jedinicom u sastavu SFRJ (Socijalističke Federativne Republike Jugoslavije). Za nezavisnost BiH pale su mnoge žrtve. Mnogi borci Armije BiH su sa čašću, dostojanstvom i patriotizmom branili uzvišene ideale kao što su sloboda, nezavisnost, suverenost i teritorijalna cjelovitost. Mnogi od njih dali su svoj život za vrijednosti zajedništva, multietničkog života i međuvjerske tolerancije. Dali su kao svoj ulog ono što su najviše mogli, a to je svoj život. Zahvaljujući njima mi imamo danas domovinu, imamo slobodu, cjelovitost i nadu za bolju budućnost i ulazak u Euroatlantske integracije. Svim borcima hvala kao i građanima koji su jedinstvom i podnoseći zajednički sudbinu teških vremena dali svoj neizbrisiv doprinos očuvanju jedine im domovine BiH“, kazao je Radišić, čestitajući Dan nezavisnosti „svim građanima i narodima u BiH“.

Možda će vrijeme riješiti i bh. nesuglasice

Novinar sarajevskog Oslobođenja i BH dana, Đorđe Krajišnik napominje da se iz godine u godinu u BiH postavljaju ista pitanja o „polupriznatim“ praznicima. „Neizostavno se tada konstatuje da se važni datumi iz istorije naše zemlje u polovici zemlje ignorišu. To vodi ka pitanju kada će se napokon postići konsenzus u tom pogledu, te šta može ujediniti bh. istorijske perspektive. Smatram da se sa 'datumaškom politikom' suviše mnogo insistira i da takva insistiranja ne mogu pomiriti našu rašomonsku istorijsku sliku. Jasno je da 1. mart nekome znači veoma mnogo, kao što je jasno i to da sa druge strane nekome ne znači ništa. Svako insistiranje dovedeno do krajnosti ponovo dovodi do entropije koja onemogućava bilo kakvu saglasnost u pogledu zajedničkih percipiranja države u kojoj živimo. Uz to, nisam uopće siguran koliko je u datim okolnostima pitanje praznika u bilo kom pogledu za nas važno, posebno ako imamo na umu druge poteškoće kroz koje iz dana u dan prolazimo. Na kraju, pitanje praznika je pitanje emocija. Ako na njih niste naučeni uzalud je svako insistiranje. To je jednostavno prirodan proces kroz koji moramo proći. Možda će vrijeme riješiti to pitanje“, kaže Krajišnik.

Referendum o nezavisnosti BiH održan je 29. februara i 1. marta 1992. godine. Tadašnji politički predstavnici srpskog naroda u BiH okupljeni u Srpsku demokratsku stranku (SDS) pozvali su Srbe na bojkot referenduma. Referendumsko pitanje glasilo je: „Jeste li za suverenu i nezavisnu Bosnu i Hercegovinu, državu ravnopravnih građana, naroda BiH - Muslimana, Srba, Hrvata i pripadnika drugih naroda koji u njoj žive?“ Oko 64 posto građana, pripadnika svih naroda, na referendumu se izjasnilo za nezavisnost BiH.



Sabina Mortgage, Inc.

Mi kreiramo zajmove prema Vašim potrebama

703-537-5426

Nudimo čitav spektar programa koji uključuju:

COMMERCIAL LOANS – ZA KUĆE ZA RENTANJE

MULTI-FAMILY, MIXED USE, OFFICE, RETAIL

WEARHOUSE, STORAGE, AUTO SERVICE

RESIDENTIAL LOANS IN VIRGINIA KOJI UKLJUČUJU: CONVENTIONAL, FHA, VA, JUMBO, NO-MI-LOANS

MINIMALNA DOCUMENTACIJA NA COMMERCIAL LOANS I VEOMA ATRAKTIVNE KAMATE!

Sabina Mortgage, Inc. Licensed in Virginia - NMLS #499850

2984 Trousseau Lane, Oakton VA 22124

Email: sabina@sabinamortgage.com

website: www.sabinamortgage.com

Sve manje novih preduzeća, sve više blokiranih računa

Prema posljednjem istraživanju poslovnih djelatnosti na Južnim tržištima kompanije Bisnode, Bosna i Hercegovina ima najgore ekonomske pokazatelje u odnosu na zemalje u regiji, poput Hrvatske, Slovenije i Srbije. Naime, u BiH se otvara najmanje novih preduzeća, a takođe ima i najveći rast blokiranih računa firmi. Ekonomisti, ali i poslodavci, ističu kako su ovi pokazatelji realni, s obzirom da je poslovna klima u BiH neizdrživa, zbog pravne i političke nesigurnosti, ali i prevelikih nameta, koji uglavnom odlaze na preveliku potrošnju javnog sektora.

U decembru prošle godine u BiH osnovano je tek 622 nova privredna subjekta, što je najmanje u odnosu na regiju, jer poređenja radi, u istom periodu u Srbiji je osnovano više od dvije hiljade novih firmi, pokazuju podaci istraživanja koje je sprovedla kompanija Bisnode, koja se bavi upravljanjem poslovnim informacijama.

Prema mišljenju Alije Remze Bakšića, direktora Asocijacije poslodavaca BiH, pokretanje novog biznisa u BiH nema smisla s obzirom na opterećenja koja plaća realni sektor za finansiranje prevelike potrošnje javnog sektora.

“Sedamdeset tri odsto, prema našim analizama i procjenama su ukupna opterećenja na platu u BiH. To znači da na 100 KM, 73 marke ide državi po osnovu doprinosa, raznih poreza, dažbina, saglasnosti i brojnih dozvola i članarina koje su obavezne”, pojašnjava Bakšić

Poslodavci, ali i ekonomisti upozoravaju da je BiH u ovakvo stanje dovelo preveliko zapošljavanje u javni sektor, pa je tako odnos radnika u javnom i privatnom sektoru izjednačen, i to nijedna zemlja ne može izdržati.

Siniša Vukelić, urednik portala Capital.ba, vidi javni sektor kao protočni bojler koji ubire poreze i prosleđuje novac budžetskim korisnicima.

“Javna uprava kao najveći izvor nelikvidnosti u državi dao je upravo ovakve rezultate gdje se više ne osnivaju nove firme, već se i sve više zatvaraju i postojeće. Prije nego što se zatvore, one za sobom povuku i 10 do 15 zdravih firmi”, kaže Vukelić

Osim što se otvara najmanje firmi, prema straživanju Bisnod-a, u decembru prošle godine BiH je imala i najveći porast broja blokiranih računa u odnosu na regiju, za čak 28 odsto. Tako je prema istraživanju Bisnod-a, prošle godine u

BiH blokirano svako četvrto preduzeće, a recimo u Hrvatskoj svako sedmo. Podaci Centralne banke BiH pokazuju da je u BiH ukupno blokirano više od 68 hiljada računa.

Razlog za ovo, Bakšić vidi u svojevrsnoj diskriminaciji realnog sektora od strane države.

“Čim dođe do nelikvidnosti, koja je često uzrokovana neplaćanjem države ili javnih preduzeća prema privatnim preduzećima, vrše se blokade računa i pokreću stečajni postupci, dok se u javnom sektoru vrše reprogrami, vrše odgode plaćanja i utvrđivanje novih, nižih osnovica za obračun određenih davanja prema državi”, ističe Bakšić

Ekonomistica Svetlana Cenić ističe da je osim ovoga, možda i najveći problem za BH privredu, pravna i politička nesigurnost.

“Niko ne zna da li će nekom sutra pasti na pamet da se promijeni poreska politika, niko ne zna da li će sutra neko tražiti raspad BiH a drugi tražiti treći entitet, a četvrti ko zna šta. To najviše utiče i na stanovništvo, ali i na privredu i to reflektuje jedno stanje opšte neizvjesnosti i apatije”, smatra Cenić

Kako upozoravaju naši sagovornici, ni potpisivanje Evropske inicijative za BiH, koja bi trebala pokrenuti ekonom-

ske reforme, najvjerovatnije neće zaživjeti, jer su do sada BH političari mnogo puta prekršili obećano.

“Inicijativa se predstavlja pompezno kao da smo uradili neki ogroman posao a ništa nije urađeno. To je samo potpisana namjera da se radi ono što privreda ovdje traži godinama. Tek predstoji pravi posao, ali čini mi se kako su do sada takvi njihovi planovi

realizovani, da će biti vrlo malo ispunjeno”, mišljenja je Siniša Vukelić

“Ovdje kad se i prave planovi prave se na temelju toga da će 2030. biti to i to ili 2025... Niko ne govori šta ćemo jesti sutra”, smatra Svetlana Cenić

Naši sagovornici ističu da od rata na ovamo, nije bilo ni jedne Vlade koja je bila kompetentna, i koja je radila na unapređenju privredne klime, pa zato BiH ima i najmanji broj novonastalih preduzeća i najviše blokada računa, kako pokazuje Bisnodovo istraživanje.





REALTY PROFESSIONALS

BUYING • SELLING • LEASING
RESIDENTIAL • COMMERCIAL

ARMIN MEHMEDOVIC
(404) 512-0509

arminsellsatlanta@yahoo.com



Hrana Srecu Draga.
brothersisterfood.com



SAD deportuje 150 državljana BiH zbog ratnih zločina

Američke imigracione službe vjeruju da će broj osumnjičenih za ratne zločine, koji se skrivaju na tlu SAD a porijeklom su sa područja Bosne i Hercegovine, porasti i do 600.

Ono što je zasad poznato jeste da Imigraciona služba Sjedinjenih Američkih Država priprema akciju velikih razmjera u kojoj planiraju uhapsiti bar 150 izbjeglica iz BiH koji godinama žive i rade u SAD.

Vjeruje se da su svi oni učestvovali u ratnim zločinima i etničkom čišćenju počinjenom na teritoriji Bosne i Hercegovine za vrijeme rata.

Sve u svemu, imigracione vlasti do sada su identifikovale oko 300 imigranata za koje vjeruju da su prilikom dolaska u SAD prikrili svoju umiješanost u ratne zločine.

"Što više kopamo, to pronalazimo više dokumenata", izjavio je Majkl Mekvin, historičar zaposlen u američkoj saveznoj agenciji ICE.

Među osumnjičenima iz BiH nalaze se i četiri radnika kazina iz Las Vegasa, jedan fudbalski trener iz Virdžinije, jedan metalski radnik iz Ohaja te mnogi drugi koji su u SAD došli u potrazi za boljim životom.

Iz Imigracione službe SAD poručili su da ne žele da otkrivaju identitete sve dok ne budu i zvanično optuženi, što i nalaže Zakon o zaštiti privatnosti.

Međutim, kada je riječ, konkretno, o Las Vegasu, onda se za ovaj grad vezuje ime Dejana Radojkovića, koji je u SAD došao 1999. godine, a koji je uhapšen 2009. godine. On je de-

portovan u BiH u maju 2012. godine.

Među onima koji su deportovani je i Neđo Ikonić, koji je navodno bio nadređeni Radojkoviću, a koji se nastanio u Milvokiju. On je deportovan 2010. godine, a njegovo hapšenje je povratak u slučaj koji je započeo krajem 2006. kada je širom Amerike uhapšeno oko 40 Srba. Neki su osuđeni zbog davanja lažnih podataka imigraciji i čekaju deportaciju, a neki su oslobođeni. Inače, federalni sud u Americi je osudio Ikonića jer nije naveo da je učestvovao u operacijama koje su srpska vojska i policija izvodile u Srebrenici u julu 1995. godine. Državno tužilaštvo tereti Ikonića da je 1995. komandovao jedinicom policije koja je djelovala uz Vojsku Republike Srpske (VRS) kao osiguranje na putevima oko Srebrenice.

Kada je riječ o deportovanima, onda je tu i Rasema Handanović, bivša pripadnica Armije BiH, koja je osumnjičena za ratne zločine nad hrvatskim civilima i pripadnicima Hrvatskog vijeća odbrane (HVO). Handanovićeva je poznata i pod nadimkom Zolja, u međuvremenu je osuđena na pet i po godina zatvora. Među onima koji su u SAD i sakrivaju svoju prošlost je i Azra Bašić, koja je rođena u Hrvatskoj, a bila je nastanjena u saveznoj državi Kentaki. Ona je osumnjičena da je učestvovala u mučenjima i ubistvima Srba iz Dervente od aprila do juna 1992. godine. Njeno izručenje se još čeka.

Posljednji u nizu je slučaj Almaza Nezirovića, čije je izručenje BiH odobreno prije nekoliko dana. On je bio čuvar u logoru "Rebić". Nezirović, koji je bio nastanjen u Virdžiniji, još 1992. godine pridružio se Hrvatskom vijeću odbrane (HVO) i postao zatvorski čuvar.



Senad i Sevleta Čamdžić

Eurotel Agencija

PONOVO NAJBOLJI!

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

POVOLJNE CIJENE! **KVALITETAN SERVIS!**

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran isti dan

717-245-8552

NAJPOVOLJNIJE CIJENE!

Bosna **samo 8.9 c/m!**

Srbija **7.9 c/m**

Hrvatska **samo 1 c/m!**

Crna Gora **9.9 c/m**

Makedonija **7.9 c/m**

Zapadna Evropa **1 c/m!**

Zovi!

Koristi!

Uštedi!



Osman "Cico" Vujinović

VIRTUAL PROPERTIES REALTY

cell: 404-550-8054
fax: 404-641-1831
e-mail: osmanvu@gmail.com

Specijalnosti:
bankovne kuće,
foreclosure i HUD kuće

Style TRAVEL USA

tel > 1.773.525.4889

fax > 1.773.435.6753

e-mail > info@styletravelusa.com

<4109 North Kedzie Ave, Chicago, IL 60618>

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!

Nudimo i usluge prevoda, popune i ovjere dokumenata.

Nudimo i paket aranžmane za

- * Mexico
- * Caribbean
- * Hawaii

< www.styletravelusa.com >

Bogati se bogate, siromašnima sve teže

Socijalni jaz u BiH povećava se iz godine u godinu. Ova zemlja danas ima 90 multimilionera od kojih neki raspolažu i s više od 30 miliona dolara. Istovremeno je sve više siromašnih.

Prije nekoliko dana Vlada Republike Srpske je predložila uvođenje dvije stope PDV-a: 10 posto za osnovne životne namirnice i 22 posto za svu ostalu robu. Razlog je, kažu, pokušaj da se siromašnom sloju stanovništva smanji porez na osnovne namirnice. Međutim, u praksi to nije baš tako s obzirom na to da bi istovremeno taj porez bio smanjen odnosno povećan i bogatima i siromašnima.

Zanimljivo je da u BiH ne postoji porez na luksuznu robu, tako da je ona oporezovana istom stopom od 17 posto, što je nevjerojatno, priznaju i u Upravi za indirektno oporezivanje.

Isti porez na drago kamenje i pelene

„Skupocjeni automobili, nakit, drago kamenje, bunde i slično....tako nešto u BiH nije oporezovano posebnim porezima već se plaća PDV koji iznosi 17 posto, kao i na sve ostale proizvode“, kaže Ratko Kovačević iz Uprave za indirektno oporezivanje (UIO) BiH.

Prema podacima ugledne međunarodne tvrtke „Wealth-X“, u BiH živi 90 multimilionera što je povećanje za pet osoba od 2012. godine. Kapital s kojim raspolažu procjenjuje se na devet milijardi dolara. To znači da bi ovih 90 osoba moglo po-

kriti kompletan proračun recimo Republike Srpske u narednih deset godina. Za to vrijeme sve je više siromašnih građana BiH, a ekonomisti smatraju da je toliki jaz posljedica nebrige vlasti, ali i oličenje nedemokratskih sistema gdje bogati povećavaju bogatstvo, a siromašni postaju siromašniji, tako da se s vremenom gubi srednji sloj stanovništva.

„Kontrarevolucijom kapitala ukinuli smo osnovna civilizacijska dostignuća sadržana u jakoj državi blagostanja preko zaštite građana. Kapital mora ustuknuti i sindikati i rad se moraju suprotstaviti pohlepi i prevlasti individualnog nad društvenim. Ukoliko se to ne dogodi, imat ćemo veliki problem“, smatra ekonomist Aleksa Milojević.

Za 40 godina rada 160 maraka mirovine

Radenko Lakić iz Banja Luke radio je 40 godina u gradskom „Autoprevozu“. Milijarde za njega postoje samo na papiru, a sa 160 maraka mirovine, kaže, živi kako zna i umije: „Borim se. Da sam se predao sa 160 maraka bih odavno umro. Radim fizičke poslove, sve, ne biram. Dobro je... sve u svemu živa glava... Ali mi je žao što su upropastili sve, tvornice su prazne, nezaposlenih je sve više. Jad i bijeda.“

Radenuku će smanjenje stope PDV-a na osnovne životne namirnice, ukoliko do toga uopšte dođe zbog komplikovanih procedura koje se moraju provesti u UIO pa zatim i u Parlamentu BiH, dobro doći, jer očekuje smanjenje cijena proizvo-



Hazim Hajrić uopšte nema prihoda



da. Međutim, Hazimu Hajriću to, kaže, neće mnogo značiti jer nema nikakvih redovnih primanja a na pitanje od čega živi, kaže da ni sam ne zna.

„Imate ljude koji voze bijesne aute s jedne strane i ove koji prebiru po kontejnerima s druge. Ali, bojim se da je to samo početak, da će biti još mnogo gore. Radio sam u `Incelu` 20 godina, danas živim od pomoći dobrih ljudi. Snalazim se svakako, ne znam što bih ti rekao. Vidiš da idem pješke u grad, nemam ni za autobus. U godinama sam, ali jedini mi je spas da pobjegnem negdje odavde.“

Mercedes ili Maserati

Dok siromašna i srednja klasa ili ono što je od nje ostalo razbija glavu koju namirnicu za osnovne životne potrebe izabrati kako bi u kućnom budžetu ostalo više novca, oni drugi biraju između Mercedesa i Maseratija, koji su u 2014. godini došli na tržište BiH. Isti porez plaća se i za Maserati i za pele-ne ili brašno.

„Imamo Mercedes 350S čija je vrijednost prilikom uvoza u BiH iznosila oko 230 hiljada maraka te je uvoznik samo na uvozne dadžbine uplatio 39 hiljada maraka. Ovo nije izuzetak pa je vidljivo da i određeni građani BiH mogu sebi priuštiti skupa vozila. Na ova vozila se plaća ista stopa PDV-a kao i na sva ostala.“

Procjenjuje se da oko 700.000 građana živi na rubu siromaštva u BiH, zemlji koja je svrstana među prvih 20 na listi

najsiromašnijih u svijetu. Uz njih ide pola miliona umirovljenika i isto toliko nezaposlenih. Manji dio njih još se može nazvati srednjom klasom, a oko 15 posto su imućni.

„Kako god da živi ta jedna imućnija obitelj, ne može potrošiti više od četiri do pet litara ulja, tri do četiri kilograma šećera i brašna, jer to su ekonomski neeleastične robe. I osnovni troškovi života za te obitelji su jako niski i iznose dva do četiri posto njihovih obiteljskih primanja. Sve ostalo mogu potrošiti na skuplje i luksuznije stvari“, kaže Gordana Bulić iz pokreta potrošača Tuzla.

Ovaj sistem će povećati socijalno raslojavanje

Ekonomisti upozoravaju da ovakav sistem nije dobar i da će, ukoliko se nastavi ovaj trend, socijalno raslojavanje biti još veće. Aleksa Milojević smatra da su dvije stope PDV-a dobre, ali da to neće donijeti suštinske promjene s obzirom da se ne mijenja oporezivanje visine prihoda, što je ključno u sistemima kao u BiH: „Mi smo nerazvijena zemlja i nepravedno društvo i mi inzistiramo na indirektnim porezima, a on je vrlo nepravedan, jer svaljuje teret na siromašne. Sva socijalna blagodat je u direktnim porezima, a kod nas u strukturi ukupnih poreza oni sudjeluju sa svega sedam posto, što je porazno. Kako bi napravili pravedno ekonomsko društvo treba se okrenuti direktnim porezima, odnosno progresivnom oporezivanju imovine, dohotka, korporacije.“

Porezi na rad: BiH je brod bez kormilara

Ukoliko poslodavac u Bosni i Hercegovini želi isplatiti platu potencijalnom zaposleniku u iznosu od 1.000 KM, prvo mora platiti 600 KM (u prosjeku) vlastima kroz poreze i socijalne doprinose.

Prema određenim procjenama, porezi na plate i iz plata u BiH prelaze 70 posto. Bosna i Hercegovina treba smanjiti troškove rada s trenutnog nivoa koji je blizu 40 posto ukupnih troškova rada, prema prosjeku za nove članice Evropske unije, na 35 posto. Ovo bi se postiglo kombinacijom smanjenja tekućih vladinih izdataka, proširenjem poreske baze kako bi se uključilo više izvora prihoda, poboljšanjem efikasnosti u zdravstvenim i penzionim sistemima i zamjenom dijela finansiranja drugim izvorima prihoda (kao npr. PDV).

Ovakav izrazito visok iznos za plaćanje djeluje kao značajan faktor odvratanja od zapošljavanja i često rezultira time da poslodavci odlučuju da uopšte nikoga ne zaposle ili da zaposle ljude mimo znanja nadležnih vlasti.

To dalje dovodi do jačanja sive ekonomije, gdje je radnicima ozbiljno ograničen pristup socijalnim beneficijama i doprinosima za penziju i zdravstveni sistem, a koji bi trebao da se primjenjuje na sve. Mnogi poslodavci izbjegavaju plaćanje poreza i doprinosa, a njihovi zaposleni se registruju kao nezaposleni kako bi primali minimalne socijalne naknade. Na primjer, samo u aprilu 2013. godine, 550.000 osoba je registrovano kao nezaposleno, dok je pravi broj vjerovatno bliži broju od 190.000 (što je još 27,6 posto radne snage).

Štaviše, postoje nedosljednosti i kompleksnosti u porekskim sistemima u različitim dijelovima zemlje koji predstavljaju velike probleme za potencijalne investitore u privredi. Od 189 zemalja, Bosna i Hercegovina je rangirana na 135. mjestu (Svjetska banka) prema kriterijima za „jednostavnost plaćanja poreza“, što zemlju ostavlja na veoma lošoj poziciji u utrci za strane investicije.

Vlada Republike Srpske je već najavila inicijative za izmjene zakonskih propisa kojima bi se olakšalo poslovanje u BiH. Između ostalog, predloženo je uvođenje diferencirane stope PDV-a (22 posto opća stopa i 10 posto za osnovne životne namirnice i lijekove), zatim je predloženo uvođenje dodatne akcije na cigarete (0,30 KM po paklu) i dodatne akcije na pivo od 0,15 KM po litru). Vlada je predložila i izmjene zakona o nepokretnostima, o administrativnim taksama (smanjenje administrativnih taksi), zakona o fiskalnim kasama (oslobađanje pojedinih kategorija), zatim ograničavanje roka plaćanja na 60 dana, izmjene zakona o doprinosima i porezu na dohodak. Pošto Federacija BiH još nema vladu, na konkretne poteze ćemo još sačekati.

No, privrednici su mišljenja da svako smanjenje opterećenja ili povećanje prihoda države, neće ništa koristiti ukoliko se ne obuzda javna potrošnja.

„Opštine troše 30 posto svojih prihoda na plate, a kantoni 60 posto. Sve što se smanji to će opet progutati administracija, čak i da se poveća PDV i akcije od tog povećanja ne bi bilo nikakve koristi ukoliko se ne zaustavi povećanje administra-



cije. Može se smanjiti, ali mora se prije svega smanjiti odliv na strani rashoda. Ovako sve to izgleda kao brod bez kormilara“, kazao je direktor Mapexa iz Maglaja Nefud Smaljagić.

Kompanija ART Tešanj, prema riječima direktora Enisa Artukovića, ima 140 zaposlenih.

„Tekstilna branša je orjentisana na ljudske resurse, na veliki broj uposlenih. Bilo kakvi pomaci s ciljem većeg zapošljavanja bili bi pozitivni. Posla ima više nego ikad, ta inicijativa bi poboljšala tekstilnu branšu, a povećala bi i broj zaposlenih i povećala bi ulaganja. To bi omogućilo i povećanje plata, jer radimo na 0+ pošto nema prostora za nova ulaganja, jer porezi i parafiskalni nameti opterećuju privrednike. Dolazi nova vlast nadam se da će biti i promjena nabolje“, kazao je Artuković.

Nezavisno biro za razvoj Gradačac zagovara ukidanje parafiskalnih nameta za privredu, pojednostavljenje procedura za poslovanje, smanjenje poreza i uopšte poboljšanje poslovnog ambijenta u BiH. Direktor ove organizacije Enver Sarvan slaže se sa analizama stručnjaka da treba uravnotežiti priliv i odliv sredstava, jer ne može se smanjiti porez na jednoj strani, a da se na drugoj ne obezbijede drugi izvori koji će namiriti sredstva koja će nedostajati nakon smanjenja.

„Može se smanjiti sa 72 posto na oko 40, ali bismo morali uporedo s tim zadužiti inspekcijske službe da sve firme iz sivog sektora uvedu u legalni, da prijave sve radnike i na taj način bismo mogli namiriti dio prihoda koji bi nedostajao. Mi jesmo za to, to bi olakšalo poslovanje našim preduzećima, a ujedno bismo i smanjili sivi sektor ekonomije“, kazao je Sarvan. Na taj način bismo, kako je pojasnio, povećali konkurentnost naše privrede, imali bismo manje troškove, ujedno i nižu cijenu proizvoda, a u dogledno vrijeme mogli bismo očekivati i povećanje plata. Pored toga mora se smanjiti broj i visina parafiskalnih nameta, jer i to opterećuje biznis.

„To je ubi Bože, ima ih oko 300, a niko nema pojma kako se taj novac troši, niti ima povrata tog ulaganja u smislu poboljšanja kvaliteta života za građane.

Niko nije pitao biznis sektor da se to uvede, ima ih neustavnih i nezakonitih. To sve ide po inerciji, moraš platiti i tačka. Kada se prave takve mjere mora se pitati svaki sektor“, kazao je Sarvan.

Ono što je za privrednike posebno bitno su izmjene Zakona o radu. Sadašnja zakonska rješenja postavljena su tako da firma neradnicima ne može ništa, ne smije ga otpustiti. To je problem sa zakonom i kolektivnim ugovorima.



FASTV

NOVO HAYAT PAKET OD SAD NA FASTV!



za samo **\$20**

Mjesečno
Uključujući takse!

+ 100 TV Kanala samo
+ FREE HD BOX



ZOVITE FASTV I GLEDAJTE **100+ TV KANALA** iz Balkana za samo **\$20**

1-866-639-8911

Address: 2320 Arthur Ave Bronx, NY 10458

Telephone: 1-866-639-8911

Website: www.FASTV.com

Kraj „bračne krize“ Francuske i Njemačke

Njemačka kancelarka Angela Merkel i francuski predsjednik Francois Hollande ponovno pokazuju zajedništvo. Razlog za to je ponajprije svjetska politika.

Sve je izgledalo kao novi početak: njemačka kancelarka i francuski predsjednik maksimalno su se angažovali oko mira u Ukrajini. Bilo je iznenađenje kada su se njih dvoje 11. februara uputili na razgovore s predsjednikom Ukrajine Petrom Porošenkom, a zatim i s ruskim državnim šefom Vladimirom Putinom. Izgledi na uspjeh njihovog posredovanja od početka su bili mali, to je kasnije i potvrđeno na terenu.

Ipak, francusko-njemačka akcija je hvaljena kao izraz odgovornosti, političke hrabrosti, ali i kao zbližavanje između Berlina i Pariza nakon mnogih svađa.

I to što su bili jedni uz druge, nakon islamističkih napada na francuski satirični list Charlie Hebdo u januaru, također je znak jedinstva. To nije uvijek bilo tako. Susreti Merkel-Hollande bili su uglavnom rutinski. Različite pozicije u ekonom-

skoj i fiskalnoj politici, oduvijek su bili razlog za neslaganje. Nijemci kao nadmeni pametnjakovići, Francuzi nespremni na promjene.

Stare uloge

Da li njih dvoje dobro funkcionira samo u krizama? Francuskinja Claire Demesmay iz Njemačkog društva za vanjsku politiku kaže: „Kroz ove krize, francusko-njemački odnosi dosegli su novu razinu, i na radnoj i na ljudskoj razini. I kod sukoba u Ukrajini, kao i u napadima u Parizu, u pitanju su sigurnost i mir, dakle vrijednosti koje nas ujedinjavaju.“

Angela Merkel je već duže angažirana kao dominirajućeg pregovarača u ukrajinskoj krizi. To što je sada uključila i Hollanda i dala mu važnu poziciju, je vrlo lukav potez, smatra Frank Baasner, šef Njemačko-francuskog instituta u Regensburgu. Oboje time žele pokazati: „Nije ovo solo akcija, ne radi se o njemačkim interesima, u pitanju su europski interesi.“ Da je Merkel sve radila sama, izgledalo bi „kao da Njemačka potpuno dominira europskom politikom, a to nikad nije dobro“.

Claire Demesmay naglašava da se zajednička diplomacija





francuski predsjednik Francois Oland

ne prakticira samo u Ukrajini. Ministri vanjskih poslova Laurent Fabius i Frank-Walter Steinmeier nastupaju zajedno, ne samo u Kijevu, već, na primjer, i u Sjevernoj Africi. „Oni žele pokazati da stara podjela uloga - Njemačka je odgovorna za istok, a Francuska za jug - više nije relevantna.“

Grčka nije unijela raskol

Međutim, takve akcije ne mogu sakriti razlike u ekonomskoj politici. Francuska vlada je dugo igrala na vladine programe poticaja konjunktura i borila se protiv, navodno od strane Njemačke nametnute jednostrane europske politike štednje. Francuska ima velikih poteškoća u provođenju reformi. To je djelimice zato što francuski politički sistem počiva na političkoj polarizaciji i uvijek dovodi do konfrontaci-

je desnice i ljevice i zbog toga se većina konzervativca protiv planovima socijalističke vlasti, čak i ako sami plediraju za reforme, kaže Demesmay.

Još nešto se promijenilo u Francuskoj: islamistički napadi u Parizu nisu samo politički i društveno zbližili Francuze. Hollande, do tada najnepopularniji predsjednik u posljednjih nekoliko desetljeća, iznenada je stekao veći ugled u javnosti - zbog svog razboritog, ali i odlučnog nastupa. Frank Baasner smatra da je inače oslabljeni politički centar u Francuskoj, barem privremeno ojačan, te da je oslabljen krajnje desničarski Front National.

Za sada se ne može reći da li će to uticati na francuske predsjedničke izbore 2017. Demesmay: „Napadi će oblikovati političku kulturu Francuske na duži rok, ali je nisu fundamentalno promijenili.“

Intervju akademik Muhamed Filipović:

Sukob naroda i vlasti nije dovršen!

Kad nekoga u mojim godinama izaberu na ovako važnu funkciju, tada se radi ili o zakasnjelom priznanju ili o prijevnoj potrebi! Priznanja su nešto što me više ne zanima, jer sam ih dobio mnogo i to od onih koje sam cijenio, uključujući i one koji su me prije četrdesetak godina izabrali za člana Akademije nauka i umjetnosti (ANU) BiH, a ova država i javnost i ne odaju priznanja ljudima od nauke i kulture. Ovdje se, očito, radilo o potrebi da se obave poslovi za koje su nužni moje iskustvo, znanje i ugled u nauci i zbog toga zahvaljujem kolegama koji su zaključili da sam čovjek koji može obaviti zadatak koji je pred nama.

Ovako je akademik Muhamed Filipović (86) prokomentirao jednoglasnu odluku Skupštine Bošnjačke akademije nauka i umjetnosti (BANU), kojom je prošle subote izabran za predsjednika te naučno-umjetničke institucije.

Naučna istraživanja

Prof. dr. Filipović, najveći živući bh. intelektualac i autoritet Bošnjaka, iako je podobro zagazio u devetu deceniju života, i dalje je vrlo aktivan u društvenom životu naše zemlje. Kako smo i navikli u svim njegovim javnim istupima,


akademik Filipović i u ovom intervjuu bez dlake na jeziku govori o aktuelnim problemima našega vremena.

Čemu ćete Vi dati prioritet prilikom rada i razvoja Bošnjačke akademije nauka i umjetnosti?

- Naš zadatak je da BANU započne s organiziranim radom na naučnim projektima, što je prirodno za jednu akademiju nauka, pogotovo za Bošnjake, koji jedini od svih naroda na Balkanu nemaju nijednu naučnu instituciju, a ona je nužna našem narodu. Stoga ću svu svoju energiju usmjeriti da se postavi takav program rada BANU-a koji odgovara najvišoj naučnoj instituciji jednog naroda koji je već dva stoljeća osporavan, da se kompletira sastav Akademije i ostvare sve pretpostavke za njen sistematski i uspješan rad.

BANU je osnovan u Novom Pazaru 9. juna 2011. godine, kakvi su dosadašnji rezultati i zašto je ta institucija važna za Bošnjake?

- Uskoro će četiri godine otkako je osnovan BANU. Osnovala ga je grupa entuzijasta koja je smatrala da nije normalno da Bošnjaci budu jedini narod na Balkanu koji nema najvišu naučnu instituciju i koji nije u mogućnosti da sa-



EMC TRUCKING

Serves All 48 States

EMC Trucking zapošljava owner-operatore i kompanijske vozače. Zagarantovana zarada!



- Minimum 3 godine iskustva
- Mogućnost rentanja trailer-a
- Dispatcher 24/7
- Korištenje kartice za gorivo (Fleet Card)

Za više informacija nazovite: 770 299 1702

mostalno radi na izučavanju najbitnijih problema vlastitog historijskog, duhovnog, kulturnog i političkog identiteta, da organizira izučavanje svoje historije, duhovnog i kulturnog stvaranja i običaja i rada u svim oblastima koji jedan narod kvalificira kao modernu izgrađenu i uspješnu naciju.

Protjeklo vrijeme bilo je period porođajnih muka BANU-a, pogotovo što iza njega nije stajala nikakva država ili neka druga moćna organizacija i on je morao prvo odbraniti potrebu vlastitog nastajanja u odnosu na one koji sistematski negiraju sve što Bošnjaci žele i rade, te uvjeriti javnost da je on nužan za naš narod, kao i pripremiti elementarne uvjete za početak rada akademije nauka. Taj period je uspješno završen i BANU može da s realnom nadom u dobar nastavak započne s onim što je prva stvar svake naučne institucije, a to je stvaranje programa naučnih istraživanja i mobilizacija naučnog kadra sposobnog da ostvari taj program.

Kada je BANU osnovan, bilo je različitih reakcija. Neki su tada iznosili mišljenja da nam pored Akademije nauka i umjetnosti BiH nije potrebna Bošnjačka akademija, jer "državna akademija može udovoljiti svim potrebama BiH i svih njenih naroda". Vi ste često u svojim javnim istupima isticali nedostatke državne akademije, potrebu jačanja njene

Jedino što je sigurno je da se posljednjih dvadeset godina stanje u našoj zemlji konstantno pogoršava. Druga konstanta naše situacije je da se pokazuje da nijedna politička vladajuća garnitura nije sposobna da rješava probleme s kojima se zemlja suočava i da je apsolutno nužno da dođe do bitnih promjena u vladavini, da do sada vladajuće stranke i ljudi konačno odu sa scene.

Ovo stanje dokazuje ne samo ekonomsko, socijalno i opće duhovno i psihološko stanje u narodu i sve jača tendencija režima da se osloni na represiju kao jedini preostali način osiguranja vlastitog položaja nego i činjenica da su međunarodni faktori, svjesni nesposobnosti današnjih vlasti, sveli svoje zahtjeve na najmanju mjeru.

uloge u društvu, jačeg uključivanja akademske zajednice u politička zbivanja u zemlji. Međutim, glas intelektualaca BiH i dalje se vrlo malo čuje. Kako to promijeniti?

- Uobičajeno je kod nas da sve ono što Bošnjaci požele, pokušaju ili učine naiđe na opoziciju kod drugih, tj. onih koji su nas cijelo jedno stoljeće osporavali kao narod i tjerali da budemo nešto drugo. Ono što je nenormalno i neuobičajeno u reakciji na stvaranje BANU-a je činjenica da su mnogi navodni bošnjački intelektualci i bošnjačka politička

elita, također, negativno reagirali na stvaranje BANU-a. Naša intelektualna javnost, to je odavno poznato, nije samostalna i nalazi se pod utjecajem srpske, hrvatske ili moderne, navodno, univerzalističke ideje o nama, što su sve bili izrazi dvije bitne karakteristike našeg ponašanja u proteklom stoljeću.

Apsolutno je nužno da dođe do bitnih promjena u vladavini, da do sada vladajuće stranke i ljudi konačno odu sa scene

Prva je strah od sebe samih i iskušenja koja nosi svako osamostaljenje u mišljenju i djelovanju. Druga je strah da se ne izgubi monopol nad narodom koji se ostvaruje i preko kontrole intelektualnog sloja i institucija kojima, ustvari, vladaju





Am Dent, Inc.



Dental Care for Entire Family

Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partial
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted

Medicaid (uder 21) Peachcare

Major Credit Cards

NOW OFFERING! Ortho (Braces) Special - FREE Ortho Consultation

New Patient Special (Exam, X-Rays, Cleaning) - ONLY \$75

0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

Olde Salem Apartments

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies

CALL FOR SPECIAL OFFERS*



NO APPLICATION FEE!**

Za sve informacije na našem jeziku obratite se Nermini. Tel: 770-963-7057

345 Stone Mountain St. - Lawrenceville, GA 30045

Directions: I-85 North to 316 towards Lawrenceville/Athens. Exit GA 120 East & turn right. Go about 1 mile to Langley Dr. & turn right. Turn right at Constitution & turn right onto Stone Mountain St. We are on the left.

*Prices & Specials Subject to Change.**With Approved Credit.

daju političari preko pouzdanika. Intelektualni sloj i bitne intelektualne institucije, kao što su univerziteti i akademije nauka, u historiji su nastali kao napor da se nauka oslobodi od dominacije svjetovne i duhovne vlasti (Kralja i Pape) i postigne autonomija koja počiva na načelu da je nauka slobodna, neovisna i odgovorna samo sebi i općem moralnom zakonu po kojem čovječanstvo postoji.

Što se tiče odnosa BANU-a i ANUBiH-a, oni ne kolidiraju i svaki od njih ima svoj smisao i zadatak, ali je jasno da ANUBiH nije i ne može vršiti onu zadaću koju sebi postavlja BANU. Osim toga, kako se jasno vidi, ANUBiH je na državnim jaslama pretvoren u neku vrstu azila za jedan broj naučnika, a sam nema neku bitniju i samostaliju naučnu i kulturnu ulogu u našem društvu.

Lažna obećanja

Koliko položaj Bošnjaka otežavaju sve žešće terorističke aktivnosti u Evropi i svijetu, užasi koje čini takozvana Islamska država, a koja, nažalost, podršku nalazi i među nekim radikalnim ekstremističkim elementima rasprostranjenim i na našim prostorima?

- Savremeni terorizam, a svaki terorizam je nesreća i izraz bolesti današnjeg društva uopće, poguban je za sve ljude u svijetu, a posebno za male narode i osobito za one kojima se na neki način, opravdano ili neopravdano, uglavnom namjerno i ciljano, pripisuje sklonost ka terorizmu. Mi moramo imati na umu nekoliko stvari.

Prvo, terorizam koji je danas na djelu nema nikakve supstancijalne veze s nama, a ni s islamom kao vjerom, a pogotovo s onim oblikom islama kakav se stoljećima praktikira kod nas Bošnjaka.

Drugo, činjenica da se taj terorizam, a on je samo jedan od mnogih oblika savremenog nasilnog djelovanja, naziva islamskim i veže za muslimane, potječe iz činjenice da je on najizraženiji u krajevima gdje žive muslimani, ali se pri tome zaboravlja da su upravo muslimani bili, a i sada su, najveće žrtve tog terorizma. Isto tako se zaboravlja kako je nastalo turbulentno zbivanje na tim prostorima koje je rodilo terorizam.

Mi, Bošnjaci, nismo nikada pokazivali ni najmanju sklonost teroriziranju bilo koga i uvijek smo osuđivali pa i sada osuđujemo svako nasilje i terorizam kao oblik veoma opasnog ponašanja. Naprotiv, mi smo nedavno bili žrtve obimnog nasilja terorizma srpske i hrvatske politike i vojnih snaga nad nama. Svijet će morati fenomen nasilja uopće, koji je sve prisutniji u životu modernog društva i u okviru toga i terorizma, posebno analizirati, ali ta analiza bi morala biti naučna i bez rezervacija i pripisivanja terorizma bilo kojem narodu ili religiji, a ne politička akcija diskreditacije bilo koga. Notorno je da su neki značajni političari bili duboko umiješani u terorizam koji se događao u 20. stoljeću pa i u ovom u kojem sada živimo.

Možete li prokomentirati aktuelnu političku situaciju u BiH? Šta i da li išta uopće građani ove napaćene zemlje mogu očekivati od nove/stare vlasti?

- Jedino što je sigurno je da se posljednjih dvadeset godina stanje u našoj zemlji konstantno pogoršava. Druga konstanta naše situacije je da se pokazuje da nijedna politička vladajuća garnitura nije sposobna da rješava probleme s kojima se zemlja suočava i da je apsolutno nužno da dođe do bitnih promjena u vladavini, da do sada vladajuće stranke i ljudi konačno odu sa scene.

Ovo stanje dokazuje ne samo ekonomsko, socijalno i opće duhovno i psihološko stanje u narodu i sve jača tendencija režiima da se osloni na represiju kao jedini preostali način osiguranja vlastitog položaja nego i činjenica da su međunarodni faktori, svjesni nesposobnosti današnjih vlasti, sveli svoje zahtjeve na najmanju mjeru.

Ono što je jasno je da je došlo do potpunog razilaženja naroda i vladajućih i da se narod priprema za nekakvu vrstu konačnog obračuna, a da to vlast zna i da se za tu situaciju priprema jačanjem snaga represije. Budućnost je veoma upitna za nas uopće.

Kako komentirate obilježavanje prve godišnjice velikih demonstracija održanih širom BiH 7. februara prošle godine. Ove godine na ulice je izašao daleko manji broj ljudi. Na šta to upućuje, da li građani više ne vjeruju da mogu protestima išta promijeniti ili su odlučili sačekati šta će im donijeti nove vlade?

- Ja mislim da je narod svjestan da se samo demonstracijama i zahtjevima

prema vlasti ne može ništa postići, jer su vladajući apsolutno ignorirali sve te zahtjeve koje je cijeli svijet smatrao opravdanim i odlučili se za represiju, da sudski gone demonstrante, odričući se čak i svojih obećanja o promjenama, datih očito u strahu od bijesa naroda. Narod je, s druge strane, svjestan da repriza onog što je bilo može donijeti štetu narodu i ojačati represiju. Tako sukob naroda i vlasti nije dovršen, a može se reći da se sprema drugi čin. Kakav će to čin biti i gdje će se odigrati nije još moguće prognozirati.

Ne može se očekivati ništa drugo nego kaos

Imamo li mi uopće više vremena za čekanje u situaciji kada smo na posljednjem mjestu po svim ekonomskim i socijalnim pokazateljima u Evropi, može li se vlast ikako natjerati da konačno počne raditi za dobrobit naroda?

- Sva vremena za nešto racionalno i pozitivno su već prošla, stanje se urušava u sve bržem tempu, a iz toga se ne može očekivati ništa drugo nego nastanak haosa, odnosno, budući da je kaos u smislu racionalnog zbivanja i bilo kakvih znakova pozitiviteta već na djelu, može se očekivati da dođe do ispoljavanja njegove opake strane, tj. do nasilja, kako naroda tako i vlasti. Imamo posla s neodgovornim ljudima na

TAX TIME

Niste uradili taksu za prošlu godinu?
Niste dobili povrat za neku od zadnje 3 godine?
E-file!
Pozovite: 678.646.2361 Enes Selimović
Povoljne cijene i profesionalan servis
Više od 6 godina iskustva u obračunu taksu za familije, samce, privatnike i samostalne prevoznike
Radimo samo po terminima - By appointments only!

Agencija locirana u Jacksonville - Florida
 Vam i ove godine nudi najpovoljnije karte za sve destinacije svijeta

Imamo letove po nevjerovatno povoljnim cijenama za Sarajevo, Zagreb, Beograd, kao i za druge gradove Europe

Naši ugovori su sa avio kompanijama kao što su: Lufthansa, US Airways, Air France, Delta, United, Austrian Airlines, British Airways i mnoge druge

Sa nama možete dovesti familiju i prijatelje iz Bosne i Hrvatske, tj. cijele Europe i svijeta.
 Karte se izdaju ovdje, a osobe koje lete podižu karte na aerodromu sa kojeg polijeću.

Također nudimo i osiguranja za dobivanje vize kao i osiguranja za karte, tj. putničko osiguranje "Travel Insurance".

Nazovite nas i uvjerite se da smo najjeftiniji i najbolji.

Tel: 904-866-9893
facebook.com/eminatravel
 E-mail: eminatravel@bellsouth.net
 SELLER OF TRAVEL REF. No. 5T35868

one call | could save you 28% on car insurance*

Call 1-855-297-3881 to see how much you could save.

esurance
 an Allstate company

*National average annual savings based on data from customers who reported savings by switching to Esurance between 12/1/11 and 4/30/12.
 © 2012 Esurance Insurance Services, Inc. All rights reserved. CA License R0687629

vlasti koji kao da imaju želju da narod i sam postane neodgovoran kako bi stvorili razlog i opravdanje za veći obim represije nego što je to do sada slučaj. Crno je pred nama, ali se nadam da će narod biti pametan kao i uvijek.

Sofisticirani oblik negacije postojanja naše države

Bošnjaci se i dalje suočavaju s mnogim osporavanjima svoga identiteta. Vi ste prilikom osnivanja BANU-a potencirali kako Bošnjaci moraju dokazati da su sposobni da budu prepoznati i priznati u svijetu. Koliko su danas Bošnjaci uopće svjesni svoje samobitnosti i koliko i kako su prepoznati i priznati u svijetu?

- Ostavite po strani javne izjave, jer se u politici uglavnom javno govori ono što se stvarno ne misli, pa je tako i u odnosu na naš nacionalni identitet. Činjenice i način ponašanja hrvatskih i srpskih političara pokazuju da oni Bosnu i Hercegovinu i Bošnjake, kao ključni faktor konstitucije naše zemlje i države, ne smatraju konačnim i osiguranim.

Stoga se trude da održavaju stanje u kojem se Bosna i

Sofisticirani oblik negacije postojanja naše države

Na taj način i Bošnjaci, osporavaju tako da se Srbi i Hrvati u Bosni i Hercegovini ne smatraju narodima Bosne i Hercegovine, nego srpskom i hrvatskom dijasporom u našoj zemlji koja čini osnovu zahtjeva te dvije države za kontrolom stanja u našoj zemlji, a vremenom i same države kao takve.

Oba ova centra održavaju odnose sa svojom dijasporom mimo naše državne vlasti, što je sofisticirani oblik negacije postojanja naše države.

Oni nisu odustali od inkorporacije bosanskog teritorija u vlastitu državu, to su djelimično već učinili kroz glasanje.

Hercegovina, a na taj način i Bošnjaci, osporavaju tako da se Srbi i Hrvati u Bosni i Hercegovini ne smatraju narodima Bosne i Hercegovine, nego srpskom i hrvatskom dijasporom u našoj zemlji koja čini osnovu zahtjeva te dvije države za kontrolom stanja u našoj zemlji, a vremenom i same države kao takve. Oba ova centra održavaju odnose sa svojom dijasporom mimo naše državne vlasti, što je sofisticirani oblik negacije postojanja naše države.

Oni nisu odustali od inkorporacije bosanskog teritorija u vlastitu državu, to su djelimično već učinili kroz glasanje. Uporedo s takvim osnovnim stavom ide i stalno dovođenje u pitanje samobitnosti Bošnjaka, posebno se to čini kroz interpretaciju naše historije kao historije srpskog i hrvatskog naroda, a ne naroda Bosne i Hercegovine. Sve to što su preživjeli Bošnjake je u velikoj mjeri omelo u stvaranju svijesti o nacionalnoj samobitnosti i odgovarajućih oblika nacionalnog ponašanja. Zadatak BANU-a je i da pokaže kakve je sve to imalo posljedice po Bošnjake, ali i po Bosnu i Hercegovinu.

Autor: Mirela KUKAN



**NAJPRISTUPAČNIJE CIJENE REKLAMIRANJA
NA TELEVIZIJI!**



***Imate biznis? Želite više posla?
Oglašavajte se i Vi na televiziji!***



1-877-747-6097 :: info@europlus.tv

Reklamirajte Vaš biznis za samo

\$250 mjesečno

(dužina trajanja ugovora 6 mjeseci)

Privatne poruke i mali oglasi

\$100 mjesečno

(bez ugovora)

UZDUŽ I POPRIJEKO KROZ BIH: Kalinovik

Kalinovik - mjesto koje je usput samo onima koji su krenuli u Ulog. Mjesto u kojem se godišnje rodi manje od desetoro djece. Mjesto tranzicije od zapuštenog ka napuštenom.

Najzad! Na sedmičnoj vremenskoj prognozi pojavljuje se stubac žutih krugova, bez crteža oblaka, snježnih zvjezdica, munja i crtica koje već prema smjeru znače maglu ili kišu. Sa vezom u biblioteci dogovaramo susret za petak. Na pitanje šta je cilj naše posjete, odgovaramo - reportaža. Zanima nas kako ljudi žive. Usput, donijecemo i paketić knjiga, na peškeš. I možda običi kasarnu, za koju nas vežu prilično ružne uspomene.

Kalinovik je usput samo onim koji idu u Ulog, mještašce u gornjem toku Neretve, a osim mještana to su još biciklisti, ribari i onedavno radnici na gradilištu hidroelektrane. (Rijetki su stranci koji zavarani debljinom linija na internetskim mapama odluče prepriječiti put od Sarajeva do Dubrovnika.) Do njega se stiže polusatnom vožnjom od magistralne ceste Sarajevo-Foča, putem koji se iz Dobrog polja penje na krašku zaravan izrošanu stotinama vrtača. Panoromom u ovo doba godine dominiraju

bijela i zelena boja, zelena borića i kleke, bijela zaleđenog snijega, sjajnog na suncu poput šlaga na kolačima u izlogu. Inače, bijelu u proljeće odmijeni siva boja kamena, zbog kojeg se stanovništvo oduvijek radije bavilo stočarstvom. Da je u tome bilo uspješno (ako se ne računa gerilska sječa), svjedoči i jedna lokalna anegdota: banka u Kalinoviku je, kad se dobra stara njemačka valuta mijenjala u euro, primila iz okolnih slamarica milion maraka.

U biblioteci zatičemo ekipu Češke ambasade, zahvaljujući kojoj čitaonica onedavno ima i lijepo uređen dječiji kutak. Gosti su raznježeni otkrićem da je tekst na jednoj od uvećanih i uokvirenih starih razglednica iz Kalinovika napisan češkim jezikom, kojima su ka und ka regruti izvještavali porodice o sretnom dolasku u daleki garnizon.

Tranzicija od zapuštenog ka napuštenom

Sa tih razglednica Kalinovik ostavlja utisak kolonijalne varoši pred kojom stoji budućnost kao obećanje. Mašta hroničara mogla bi lako dočrtati još puteva i zgrada i pošumiti zelenom bojicom ledine i obronke oko austrijskih trospratnica.



Ali panorama mjesta, stotinjak godina kasnije, pokazuje da se istorija Kalinovika nije susrela s takvom vizijom razvoja. Mjesto je ostalo u manje-više istim gabaritima i sad, pored tih razglednica, podsjeća na prevaronog ljubavnika koji u svojoj uvrijeđenosti sve manje vodi računa o izgledu i držanju. Iako sam centar krasi veselo dječije igralište, uređen park i nova pijaca, previše je urušenih i napuštenih kuća naokolo, previše rupa u asfaltu, previše plastova cjepanica ispred zgrada, previše tranzicije od zapuštenog ka napuštenom.

Vlast je i ovdje u obnovu krenula s lakše strane: od mijenjanja naziva ulica. Nove plave ćirilične table na podbuhlim fasadama dobra su metafora poslijeratne duhovnosti kojoj su obnove bogomolja bile preče od obnove puteva i fabrika. Istina, osim tekstilne, s oko 250 radnika, nije industrija baš ni cvjetala u Kalinoviku. Oduvijek je to bio samo gradić u dvorištu kasarne, sav okrenut potrebama garnizona. Stariji mještani još uvijek pamte detonacije nebrojenih vojnih vježbi i manevara, a našlo bi se među njima i onih koji se sjećaju snimanja partizanskih filmova, Diverzanata, Sutjeske i Vrhova Zelengore, možda čak i Ričarda Bartona i Elizabet Tejlor. Tako je, osim stočarskog kraja i vojnog poligona, Kalinovik bio



i centar partizanske filmske industrije.

Već i od samog pominjanja njegovog imena rezervistima JNA ježila se koža za vratom. Ako je i zbog čega bivša država zaslužila da propadne, onda je to njena armija – bahata, priglupa, utovljena, objesna, srčana kao tenk bez posade. I teško je, s iskustvom sedmice provedenog na terenu u Kalinoviku, s motalicom na leđima, sredinom osamdesetih, ne poželjati skupljenih usta okrenuti glavu od svake pameti kojoj nedostaje opšta vojna obaveza. Premalo je generala Trifunovića i previše generala Mladića bilo u toj armiji, da bi se čovjek te ukradene



Zgrada opštine Kalinovik

© DW/N. Velickovic

godine života sjećao s ponosom.

Turistička ponuda bez "generala"

Kalinovik se računa kao opština rođenja ovog drugog, ali njegov lik upadljivo izostaje iz turističke ponude grada. Nema grafita, plakata, suvenira, kao da to ime, jedino na hrvatskoj Wikipediji pomenuto u kategoriji slavni ljudi (Na bosanskoj i srpskoj nije niko, a u engleskoj su tu još Momčilo Mandić, ministar pravde, i Srđan Puhalo, blogger and the first person from Kalinovik to open a Twitter account), nije patriotski brend u rang generala Gotovine.

Turizam ovdje, ipak, nije sasvim odustao od ove kategorije selebritija. Prema jednom mitu, iz kategorije ukazanja gospe, piramida u Visokom i Troje u Gabeli, Adolf Hitler je upravo u Kalinoviku dobio čin kaplara. Na taj mit omladina, koja bi razvijala turističke potencijale kraja, ozbiljno računa. Kao i na priču o tome da su Amerikanci šezdesetih snimili ovdašnji kraški pejzaž pun vrtača i koristili ga u lažiranom direktnom prenosu prvog spuštanja na Mjesec.

Stariji, koji mudro ne tretiraju turiste kao imbecile, računaju na blizinu Neretve, Zelengore i Treskavice, na zdravu hranu, na obnovu nekada uglednog školskog dobra Gvozno, na nekropole stećaka, na bicikliste, lovce, planinare... Bilo bi logično da se u tim vizijama nađe i neka ergela konja – i vojna istorija mjesta i konfiguracija terena daju osnovu tome – ali pretraga na internetu povezaće konje i Kalinovik samo u članku Nezavisnih novina iz 2007, u kojem stoji da se načelnik Opštine i još nekoliko odbornika Skupštine opštine bave nezakonitim poslovima, između ostalog čak, prodajom tuđih konja. Što, u istom članku, načelnik ne

demantuje: tri konja jesu prodana po njegovom naređenju, ali da je to učinjeno "jer su pravili štetu u naseljenom dijelu Kalinovika, a bili su napušteni".

Mentalitet kao smetnja napretku

U Kalinoviku je sada, kao i tada, na vlasti SNSD. Od ukupnog broja glasača, 1975, na posljednjim lokalnim izborima valjano je glasalo 1513, a od toga 777 za ovu stranku. (Za prvu narednu, SDS, više nego duplo manje, 383.) Prvi su nagradili brigu opštinskih vlasti za potrebe građana: svi studenti dobijaju stipendije Opštine (100 KM, što je više nego dovoljno za krevet i hranu u domu na Palama, koji za mjesec koštaju 85.), Dom zdravlja pruža dobre usluge, komunalni poslovi obavljaju se uredno, svi koji završe fakultet dobijaju priliku da odrade pripravnički staž... Opozicija dodaje tom motivacionom spisku i besplatna drva, kao monetu u kupovini glasova, iza koje stoji direktor gradonačelnice. Na ovu stranu priče uputili su nas izvori iz Zapadnog Kalinovika, kako bi se, prema sastavu stanovništva, trebalo pošteno zvati Istočno Sarajevo. (Jedan jedini autobus polazi za glavni grad ujutru u šest, i vraća se popodne u četiri. Za Foču, gdje se inače svršavaju administrativni i zdravstveni poslovi, nema redovne linije.)

Trend iseljavanja postojao je i ranije, ali ne ovako ubrzan i vidljiv. Godišnje se u Kalinoviku rodi manje od desetoro djece (troje prošle godine, 2011. pet; 2010. stopa nataliteta bila je 1.77 a stopa mortaliteta 7.95). Osnovna i srednja škola upisuju po jedno odjeljenje, deveti razred osnovne škole ove godine pohađa devet đaka. Sve područne škole su zatvorene. Razumljivo je da mladi, ako nisu lojalni po-



BONUS TRANSPORTATION, LLC



Zapošljavamo owner operatore !


- Commision 10%
- Sedmična isplata
- 24/7 dispečer na raspolaganju
- Saradjujemo sa svim brokerima na prostorima Sjeverne Amerike
- Nudimo fuel cards, trailere, kvalitetan profesionalni dispatch



616 322 5818
616 719 6064
bonustransllc@yahoo.com

PRODAJETE ILI KUPUJETE KUĆU?
Vi imate pitanja - ja imam odgovore

- Sa Vama od početka do kraja, u svim fazama kod prodaje ili kupovine kuće
- Ostvarenje i zaštita Vaših interesa je moj prioritet
- Idealno vrijeme za kupovinu kuće - vrlo niske cijene uz povoljne kamate
- Foreclosure * HUD homes * Prvi put kupci dobijaju Home Depot gift card
- Besplatne usluge notara i prevođenja potrebnih dokumenata



metrobrokers.com **GMAC**
Real Estate

DINO KRGO
REALTOR

678-429-4353
dkrgo@bellsouth.net



rođici koja vlada mjestom i posjeduje većinu njegovih vitalnih objekata (pumpu, hotel, pilanu, opštinu...), ne vide svoju budućnost tu. Mentalitet, ako mu se da na važnosti, može biti smetnja napretku. Dovoljno je samo pustiti predrasudama i navikama da oblikuju stavove i utiču na odluke. Mentalitet kasarnske kantine i liferantska poslovnost očitno nisu dobitna kombinacija.

Stranačka hobotnica

Osim što uče, čitaju, igraju odbojku i kolo i predu kalnovičke ko je s kim, uveče po kaficima, kad nisu na facebooku i prikopčani na satelitske televizijske programe, srednjoškolci povremeno bace pogled na par bilborda s idejnim projektima za hidroelektranu Ulog, u nedalekom gornjem toku Neretve. Uprkos dugogodišnjim protestima ekologa i pravnom nasilju kojim je država osigurala interese privatnog investitora (slučaj Govedarica), mladi vjeruju optimizmu lokalne vlasti. Upadljivo je da zvanična stranica Opštine ne nudi konkretan popis beneficija koje će njeni građani od ovog tala Banjaluke i Beograda imati. Recimo, koliki će procenat zarade od prodate struje ostajati lokalnoj zajednici...

Gradi lokalno, gledaj globalno

Nedostatak takvih informacija prilično je pouzdan simptom korupcije, kojom se hrani stranačka hobotnica u svim krležljivim demokratijama izniklim na poligonima JNA. S par stipendijskih novčića platiš mladima loše obrazovanje, nakon kojeg kupuješ njihove mucave glasove lažnim obećanjima, protjeraš ih ratom ili lošom razvojnom politikom u proleterska predgrađa, a onda zajažiš u njihovu obezvrijeđenu djedovinu. Kočić bi, kad bi oživio, molio austrougarsku carevinu da se vrati, pored ovakvih i ovo-likih domaćih rodoljuba. Na njegovu priču Vukov gaj podsjeća

i napad velevlažne i ćorave vlade na šumu u obližnjem selu Jelašica. Po toj je priči Kočić danas u Kalinoviku življi od svih deseteračkih filozofa koji iz Beograda svrate ovdje jednom godišnje da prime književnu nagradu Opštine, vijenac od trava i cvijeća koje pletu ovdašnje žene, crkveno kandilo i novčani iznos.

Mi kandidujemo Babu Radojku:

Baba Radojka je 1947 kazala: "Doće vrijeme kada će iz glave ići pravo u dupe."

Baba Radojka je 1947 kazala: "Doće vrijeme kada će biti lakše izgubiti obraz, nego kišobran."

Baba Radojka je 1948 kazala: "Doće vrijeme kada će biti vjerovatnije da u Budvu sretnes Tolstoja lično, nego nekoga ko je pročitao Rat i mir"

Baba Radojka je 1948 godine kazala: "Doće vrijeme kad će gostima na slavi biti važnije da imaš bežični internet, nego predjelo."

Baba Radojka je 1949 godine kazala: "Doće vrijeme kada ćeš kamen za kiseli kupus morati otimati od Kuste."

Baba Radojka je 1948 kazala: "Doće vrijeme kada će neki viriti iz dupeta, a neki iz kontejnera."

Baba Radojka je 1947 kazala: "Doće vrijeme kada će moj unuk Srđan Puhalo za jedne biti politički analitičar, a za druge dvorska luda."

Autor: Nenad Veličković

JA VIŠE ŠUTJETI NE MOGU!!!!

Ovim polu-otvorenim pismom (tako je to kod nas) narodu/narodima u BiH iz sveg srca želim samo da im 2015. godina ne bude puno gora, nego prošla, (bazirano na negativnom silaznom trendu od rata do danas).

Bošnjak Džemaludin Latić fašista, Bošnjak Mušan Topalović ratni zločinac, Bošnjačka politička stranka SDA odgovorna za agresiju na Bosnu i Hercegovinu i pokolj sopstvenog naroda, Bošnjačka ulema bije se za pare, Bošnjački ministri krađu, Bošnjački generali kriminalci u Krajini, Bošnjaci pomeli tri hiljade Srba u Sarajevu, Bošnjačke firme švercerske, Bošnjačka Armija klala po Grabovici, Bošnjaci u federalnom MUP-u nesposobni, djeca iz mješanih brakova nepoželjna u Bošnjačkoj vojsci, Bošnjaci majoriziraju Hrvate u Travniku i u Varešu, Bošnjački primitivizam napunio Skenderiju uživajući uz Jusufa Islama, Bošnjaci dižu ruke za Velibora Ostojića, Bošnjačka žena umotana poput utvare baulja Titovom. E, pa neka vam Bošnjaci, nek' vam gaze zastavu kad ste ovako nakaradan narod.

Ne foliramo kad volimo

Eto, tako o tebi pišu "vakumirani" bošnjački insanu. O tebi koji si protjerivan, klan, ponižavan, o tebi koji si na rukama nosio mrtvo dijete i koji si tražio da sa ubicom popiješ kahvu kako bi ga upitao za razloge pucanja u lubanju tvoje čerke, o tebi kojeg su u Batkovićima razapinjali između dva džipa, o tebi koji si oslobađao Vlašić i bosom nogom Unu gazio, o tebi koji si Pejanovića pazio bolje od rođene matere, o tebi koji voliš ilahiju i kome su silovali majku, o tebi kojem djeđa i nenu sahranjuju na groblju za "auslendere" sa pogledom na sidnejsku operu, o tebi koji ibadetiš i Bajrame dočekuješ u Oslu i Stockholmu, o tebi koji ne foliraš kad kažeš da voliš Jovu Divjaka, Dragana Vikića i Nenada Markovića, o tebi koji si se sa svojim dostojanstvom popeo na vrh civilizacijske piramide.

Ti, eto, imaš takve prvake kojih treba da se stidiš. I defetizam je tvoja određujuća kategorija i da se, kojim slučajem nisi odbranio i sačuvao domovinu, nikada nijedna ružna riječ



s početka ovog teksta o tebi napisana bila nebi.

E, zato što si takav, Bošnjake, što nije bilo po nečijem, zato što te je tvorac "Islamske deklaracije" poveo u najslavniju epopeju nacionalne samobitnosti, zato što je prekrizio nečiju geopolitičku matricu po kojoj si, Bošnjake, kozmetička greška i strano tijelo, na transferzali Atina-Beč, zato što u svoju malu zemlju dovodiš Pavarottija, Milansku skalu, Kasparova i Bono Voxa i zato što si ustvari jedan dobar narod, a nečiji koncepti ne trpe dobre narode, ne trpe one koji tepsiju krompiruše podijele sa kompletnim haustorom i koji od svoje bijede, negdje na putu Tuzla-Teočak, pristave kahvu i iznesu hurmašice ekipi švedske televizije. Eto zato što si dobar, a ne pogan, zato što se ne uklapaš u nečiju sliku o Islamu i što ne mogu od tebe napraviti novi Alžir, moraš biti kažnjen. Ako ne u ratu, bićeš povaljen u miru.

U tu svrhu uradit će sljedeće:

Pod jedan: Priču o agresiji eufemizirati, odvlačeći je na kolsjek međunacionalnih sukoba.

Pod dva: Četverogodišnje orgijanje barbara po Bošnjačkoj koži amortizirati naručenim tekstovima o Kazanima i Grabovici.

Pod tri: Aktivirati Pejanovića, koji je najzad istjeran iz grma i čija skaradna poruka o tome kako će on lično krvavog vladiku Kačavendu vratiti u Tuzlu, a preko koje su Bošnjaci oлакo prešli, samo potvrđuje tezu o srbima po zadatku, itd.

Sve ovo gore napisano dragi moj Bošnjake zorno govori o tome kako je krajnje vrijeme da i u miru preuzmeš vlastitu sudbinu u svoje ruke.

Tvoja politička heterogenost i nacionalna atmosfera sada, već sasvim izvjesno, prijeti da te povede u kolektivni mazohizam. Jer biti ovako neargumentirano pljuvan zadnjih sto dana, biti ovako devalviran i nakon rata opet ponižavan, a pri tome ne reagirati znači biti Bošnjački idiot i, pošto dugo čekam da umjesto mene reaguju moja Vlada, moja stranka, moje ratne starješine, moji rasuti muhadžiri, moji skupštinski poslanici, moji ministri, a oni to ne čine, morao sam ovim pismom zaštititi sebe i svoju Bošnjačku porodicu.

Čafirolozi i domaći izdajnici

Moj babo, moja rahmetli mati, moj brat, moja žena, dvoje moje djece i ja, nismo Bošnjaci iz priče bjelosvjetskih čafirologa i domaćih izdajnika. Šutnja kao punkturna tačka bošnjačkog intelektualca i njegovog mentalnog sklopa razdire me gore od svake laži napisane o nama. Vi, Bošnjačka inteligencijo! Vas pozivam. Vi, koji sakrivete se iza nekakvog kvazisabura, teorije netalasanja, lažne principijelnosti i već otrcanog, samo vama svojstvenog, merhameta, počinjete odista da mi se gadite. J.... vas i vaše promocije knjiga, okrugle stolove i etablirana kulturna šupljiranja o ugroženosti bošnjačkog bića. Prevladajte jednom stogodišnje strahove i stanite ispred ovog naroda! Stanite iza najčestitijih duša dunjalčkih i pomozite im. To vam je farz i desi li se ovom narodu ponovo nešto ružno, bićete gori krivci od Miloševića i Tuđmana zajedno.

Potpisnik ovih redova duboko je svjestan hipokrizije morala koja je zahvatila i razara jedan dio Bošnjačkog tkiva, svjestan je mahalskog sindroma jednog dijela bošnjačke vlasti, čje su krajnje konsekvence duhovno ništavilo. Znam dobro kako su nam neki Bošnjački ministri korumpirani i kako u stranci SDA ima izvjesnih uhljupa koji kompromitiraju ideju Bosne. Ali sve to nije razlog da nam se podmeće kukavičije jaje i da nam na istu deredžu stavljaju zločin, modernoj civilizaciji ne-

poznat, naspram, istina je očiglednih manjkavosti u jednom dijelu koordiniranja vojnog vrha i nadređenih jedinica u Armiji BiH. Ta prevarantska igra balkanskog pokera gdje po redu hoće da nam potpišu istu odgovornost za rat kao i našim dušmanima, mogla bi proći ako mi Bošnjaci, hajvani, budemo opet šutjeli.

Mi smo narod koji godinama živi pod ucjenom. Šesto-godišnja klaustrofobija nas je istraumatizirala da inferiornost i kompromis postaju naša konstanta, naša stanja. Obračunajmo se već jednom sa stoljetnim šejtanom koji nam kruži metabolizmom. Strahom od vlastitog mišljenja. Pokidajmo u sebi genetske kodove iracionalne panike, šta će, na ono što ćemo kazati, reći drugi. Naš usud da se kao Bošnjaci rađamo u ovim paranoidnim okruženjima validan je razlog da moramo biti jaki i odvažni, a ne da dopuštamo da nam poslije džehennema i dvjesto hiljada mrtve braće i sestara jedan političar drži ders o sumnjivoj ratnoj ulozi šehera.

Ja više šutjeti ne mogu!

Drugi kako hoće, ali ja više šutjeti ne mogu. Hoću da mislim i hoću da kažem ono što mislim. Mislim da je Pejanović izgubio stečeno povjerenje. Mislim da je Mušan Topalović s početka agresije bio heroj ovog naroda i da je u neuračunljivom stanju uradio neke stvari koje nije smio i koje su ga koštale života. Mislim da nije uputno i dobro mrziti ljude poput Marka Vešovića, ali i da je Džemaludin Latić jedan od najznačajnijih Bošnjaka koji se rodio u zadnjih pedeset godina. Mislim da su Slaviša Šućur, Miro Lazović, Mladen Vojičić Tifa, Predrag Paja Pašić, Perica Simonović, Mišo Božić (predsjednik SGV Tuzla) parametri srpske čestitosti. Mislim da je moj predsjednik Alija Izetbegović najmoralniji čovjek planete, ali i to da nije smio dozvoliti da se Drugi Kongres SDA pretvori u farsu.

Mislim da je Atif Dudaković najveći bosanski gazija, a Emin Pivić i Hamdo Abdić najsvjetliji primjeri kako se voli i brani domovina. Mislim da dobar dio bosanskohercegovačkih medija radi po nalogu stranih obavještajnih službi i da bi bilo dobro Miljenka Jergovića vratiti u Bosnu. Mislim da je Haris Silajdžić urnek Bošnjačke pameti i da je u zadnjih nekoliko nastupa na bosanskim medijima definitivno sa sebe skinuo hipoteku narcisoidnog i "tersli" političara.

Mislim da bi se na teritoriji Federacije morao donijeti zakon po kome bi svaki privatnik bio dužan izdvajati određenu novčanu naknadu za jednog demobilisanog borca bez zaposlenja. I nije uopće važno da li je ovo što ja mislim tačno i da li je važno. Neka istinu i ozbiljnost ovog teksta utvrdi neko drugi.

Borba se nastavlja

E, da meni ne bi opet za dvadeset godina klali familiju po Srebrenici, protjerivali rođake iz Brčkog i Bosanskog Broda, slali rodbinu iz banjalučkog bonluka da pere posteljenu po hotelskim vešerajima države Illinois, a sve za rad njihovog pripadanja Bošnjaštvu i Islamu, da mi se ne bi od mog lijepog naroda pravila šprdnja i da mi pjani Englezi ne bi gazili zastavu, ja ću svoju borbu nastaviti. Kakav će ishod biti ja ne znam, ali znam da ću imati miran san jer ću ispunjavati makar obaveze prema Bogu i svom narodu.

Neka je stid onih koji mogu to isto, a neće.

Emir Hadzihafizbegović

Bliži se najveće pomračenje Sunca u posljednjoj deceniji!

Mjeseć će 20. marta baciti sjenku na sunčevu svjetlost koja dopjeva do zemlje i zakloniti oko 50 posto sunčevog diska.

Puno pomračenje biće vidljivo na sjeveru Skandinavije i Farskim ostrvima.

Posljednje pomračenje koje je bilo vidljivo ovako velikom broju stanovnika svijeta dogodilo se 11. avgusta 1999. Tada je mjeseceva sjenka počela da prelazi preko sunčevog diska iznad Atlantskog okeana, a uskoro je pomračenje bilo vidljivo u Velikoj Britaniji, na sjeveru Francuske, Belgiji, Luksemburgu, Nemačkoj, Austriji i balkanskim zemljama. Bilo je to prvo potpuno pomračenje vidljivo u Evropi još od 22. jula 1990. godine.

U svjetskom kontekstu, maksimalno trajanje totalnog pomračenja sljedećeg mjeseca bit će duže za dva minuta i 23 sekunde u odnosu na pomračenje iz 1999. godine.

Novog potpunog pomračenja vidljivog u Evropi neće biti do 2026. godine. Interesantno je da su astronomi za 20. mart, kada se inače obilježava prolječna ravnodnevica, najavili i takozvani "supermjesec".



Mjesec nije jedini prirodni satelit kojeg ima naša planeta


Svi znamo da imamo jedan mjesec. Zapravo, toliko smo uvjereni u to da mu nismo dali ni neko posebno ime.

Ipak, iznenadit ćete se kada saznate da zemlja ima još jedan prirodni satelit.

Naime, još 1997. godine naučnici su otkrili da osim našeg „običnog“ Mjeseca, zemlja ima takozvani kvazi-satelit kojeg su nazvali 3753 Cruithne.

Razlika između mjeseca i kvazi-satelita je u tome što kvazi-satelit ne orbitira direktno oko Zemlje, ali nas prati u orbiti oko Sunca.

Cruithne ima orbitu „potkovice“



Martina Mlinarević Sopta:

Zajebi instagrame i fejbuke đe su svi sretni

Živimo u jezivom imperativu savršenstva, na svakom polju. U grčevitim potrebama da prikazujemo ružičastu bajku za okolinu u svakom trenutku. Društvene mreže su tek tu dimenziju ispolirale do iznemoglosti. Horde perfektnih na svakom čošku. Veliki Enes Kišević bi rekao: "Svima je kao lijepo: svima je, kao, dobro; svima je, kao, ludo...i ništa te, kao, ne boli." Fotošopirani životi zahtijevaju da moraš biti tačno takav. Kao, moraš. U biti - moraš govno. Da ti nešto kažem. Zajebi instagrame i fejbuke đe su svi sretni. Markirani. Preplanuli. Izvježbani. Diplomirani. Zaposleni. Teambil-dirani. Aifonirani. Čekirani. Jedu jela koja ne znaju izgovoriti, obuju štikle da se uslikaju u spavaćoj sobi. Idila ko u Santa Barbari, prije nego se ono Eden izgubi. Opusti se bolan. Ko te hoće, taj te hoće najgoreg. Vjeruj meni.

Uzmimo recimo taj pressing "mame s naslovnice". Koja je Supermen i Betmen, i stigne biti lijepa, i seksi, i isfenirana, i mater, i kuharica, i komšinica za trač kave, i veš-razgrtalica, i peglačica, i sapunicu upratit' još, ko se s kim i čija je strina umrla.

Jašta. Otkad imam Unu, operem zube u tri popodne. Pidžamu skinem u... lažem, ne skinem je. O obrvama da ti ne pričam, sad sam Karadžić u Haagu. Da se mogu popišati, moram nju u kolicima dovesti u wc i pričati joj. Pošto je počela jesti kašice, imam svakodnevno zgnječenih banana u uhu i u kosi, ko najljepši ukras. Seksa se rado sjećam i toplo ga pozdravljam.

Kad mi dođe neki lik dostaviti kupljenu autosjedalicu, umjesto svog potpisa na račun mu napišem "Pilići".


Da ne skrenem skroz s pameti, odem na koncert Joksimovića i razbacim se svakim ekstremitetom kao da je uskrsl Elvis, a meni su upravo rekli da mi je samo par minuta ostalo do kraja života.

Sat vremena pakiram njezine stvari, kolica, nju, da krenemo negdje u šetnju i onda se ona pokaki sve hihoćući se k'o da je osvojila Himalaju. Kad konačno iziđemo, letimičnim dodirrom po mojoj glavi shvatim da mi je kosa ko da su je razbucale petarde poslije ponoćke. I umrem od smijeha nasred ulice sama, kao neki teški slučaj za psihijatriju.

Pa džaba. Naizgled ništa nije na svom mjestu, i sve je baš upravo onako kako treba.

Možda nije instagramski, ali je od srca. I sretno je do ludila. Onom srećom koja je životna. U kojoj ima suza, galame, šizenja, bolnih leđa, dva dana zakašnjele depilacije nogu, ali toliko mnogo čudesnosti koju nijedan fotoaparat ni fensi mobitel ne bi mogli zabilježiti. Uz sve dužne piksele. Sreća spava u očima onih koji vas vole. Onakve kakvi ste kad sve fasade zgulite sa sebe. Koji vam se raduju, ovako iz neiskvarene duše, kao ona meni, mada ni na šta ne ličim.

Piše: Martina Mlinarević Sopta



BMW 6: Zatezanje bora

Za Sajam automobila u Detroitu BMW je dizajnerski osvježio i bolje opremio sva tri modela iz serije 6, čime je ovaj automobil dobio nove agregate i neka estetska osvježenja...

Baš kada su se nakon četiri godine na tržištu počele pojavljivati prve bore na BMW-ovoj seriji 6, iz Bavorske je stiglo blago osvježenje. Prestižna linija BMW-ovih automobila u okviru koje se nalaze po jedan kupe, kabriolet i kupe-limuzina, dobila je sitne, ali upečatljive nove dizajnerske detalje. Izmijenjeni su prednji i zadnji odbojnik, maska hladnjaka, retrovizori, svjetla i izduvni otvori.

Ponudena je i nova paleta aluminijumskih naplataka raspona od 17 do 20 inča, a smiksano je i pet novih boja. Raspon pogonskih agregata čitave serije ostaće nepromijenjen. Početak ponude predstavlja 640i model sa šestocilindarskim benzinskim agregatom, koji razvija 320 KS. Sljedeći u gami je 650i sa osmocilindarskim benzincem sa 449 KS, dok vrh ponude predstavlja M6, čiji osmocilindraš razvija 560 KS. Ljubiteljima dizelaša nudi se tek jedan, ali izuzetno vrijedan šestocilindarski trolitarski motor sa 313 KS.

Najjača pogonska opcija vezana je isključivo za M6 model, koji se može dobiti u specijalnom "Competition Package" izdanju sa pojačanim motorom, koji razvija 575 KS. Tri "slabija" agregata serijski dolaze u kombinaciji sa osmostepenim automatskim mjenjačem, dok je najjači M model uparen sa sedmostepenim automatikom sa dva kvačila.

Manja potrošnja

U serijsku opremu svih modela spada "launch control" sistem za kontrolu proklizavanja pogonskih točkova, koji omogućava strelovita ubrzanja iz mjesta. Primarni prenos snage je na zadnje točkove, dok se kao opcija nudi Xdrive.

Podsjećamo da M6 koristi isključivo zadnji pogon. Svi motori zadovoljavaju Euro 6 norme o emisiji štetnih gasova. Iz BMW-a poručuju da su u okviru redizajna kod 640i i 640d modela smanjili prosječnu potrošnju za 0,2 litre na 100 kilometara. Verzija 640i ima novi izduvni sistem, sa elektronski kontrolisanim prigušnim ventilom, koji omogućava proizvodnju izraženijeg sportskog zvuka.

Potrošnja kod modela 650i i M6 je ostala na dosadašnjem nivou. Ljubiteljima ekonomične vožnje u "šestici" je isključivo namijenjena jedina dizelska verzija 640d, za koju BMW u GranCoupe modelu deklarira prosjek od samo 5,6 litara na 100 kilometara. Taj rezultat je primjera radi bolji od dosadašnjih rekordera klase i direktnih konkurenata BMW-a 6, poput Audiya A7 Sportback 3.0 BiTDI Quattro sa 320 KS (6,1 l) ili Porschea Panamera Diesel 300 KS (6,4 l).

Bogata oprema

U osnovnu opremu nakon redizajna uvode se adaptivna LED svjetla, aktivni tempomat, navigacija i BMW Connected Drive sistem. U standardnoj opremi, između ostalog, ostaju i Dakota kožne presvlake električno podesivih i grijanih sjedišta, progresivni upravljač i Bluetooth veza za mobilni telefon. Mogućnosti dodatne personalizacije automobila su raskošne i omogućene su kroz BMW Individual program. Standardna sjedišta moguće je zamijeniti sa komfornim ili sportskim.

Na spisku dodatne opreme su sistem aktivnog podešavanja tvrdoće sjedišta i ventilacije. Kožne presvlake u kabrioletu imaju specijalni "Sun Reflective" premaz, koji smanjuje zagrijavanje kože, kada je ista izložena suncu. S druge strane, grijачe kožnih sjedišta moguće je dobiti samo u Gran Coupe verziji "šestice". Prodaja redizajniranih modela serije 6 počinje u aprilu.



PROBLEMI SA SUNUSIMA?



BOLOVI?



NESANICA?



Revolucionarna tehnologija koja komunicira s tijelom

Holografski čipovi komuniciraju s tijelom preko energetski osjetljivih tačaka na tijelu zvanim meridijani-poput akupunktura, ali bez iglica.

Koriste se za: gubitak tjelesne težine, nesanicu, bolove, sinusne alergije, povećanje libida i više energije.

Holografski čipovi su mali flaster u boji kože. Čipovi se lijepe na kožu tako da ništa ne ulazi u tijelo, a potpuno su nenametljivi. Naučno je dokazano da su čipovi-flasteri veoma učinkoviti, ali najbolji dokaz su rezultati desetine hiljada ljudi širom svijeta koji ih koriste svaki dan.

HILJADUGODIŠNJA TRADICIJA AKUPUNKTURE U KOMBINACIJI SA

NAJMODERNIJOM TEHNOLOGIJOM DANAŠNJICE

HOLOGRAMSKI ČIPOVI

WWW.EM.CIEAURA.COM

Dodijeljene Grammy nagrade: Sam Smith najveći pobjednik!

Britanski pjevač Sam Smith osvojio je četiri nagrade na dodjeli priznanja na američkoj Nacionalnoj akademiji muzičkih znanosti i umjetnosti Grammy.

Samo devet mjeseci nakon što je objavio album "In the Lonely Hour" dvadesetogodišnji pjevač dobio je nagradu za pjesmu godine, najboljeg novog umjetnika godine, najbolji pop vokalni album i najbolji snimak godine. Pjesma za koju je Smith dobio nagrade je "Stay With Me".

"Želim zahvaliti čovjeku o kojem govori mom album, u kojeg sam se zaljubio prošle godine. Hvala vam puno, slomili ste mi srce dajući mi četiri Grammija", rekao je Smith dok je primao najprestižniju nagradu.

Nagradu za rock album godine dobio je "Morning Phase" rock zvijezde Becka.

"Ovaj album je najviše sniman u mojoj kući tako da bih se želio zahvaliti svojoj djeci", rekao je Beck dok mu je ikona R&B-a Prince uručivao nagradu (u ovoj kategoriji je došlo i do malog iznenađenja, jer se očekivalo da je skoro sigurno da

Album godine za svoje prošlogodišnje vizualno izdanje dobiva Beyoncé).

Muzičke zvijezde koje su odnijele po tri Grammija bile su Pharell Williams, Beyoncé i Rosanne Cash.

Pioniri elektronske muzike Aphex Twin osvojili su nagradu za najbolji album elektronske muzike pod nazivom "Syro".

Među dobitnicima su se našli i Jack White, Aphex Twin, Kendrick Lamar, Eminem, Tenacious D, Clean Bandit i Pearl Jam.

Dodjelu su otvorili AC/DC, a također su nastupili Ed Sheeran, Rihanna s Paul McCartneyem i Kanye Westom, Adam Levine, Madonna, Katy Perry, Hozier i Annie Lennox, Tony Bennett i Lady Gaga, Usher i Stevie Wonder, Beck i Chris Martin te Sam Smith i Mary J Blige, dok su dodjelu zatvorili Beyoncé, John Legend i Common izvedbom pjesme 'Glory' iz filma Selma, za koju su nominirani za Oscara.



Bregoviću orden Umjetnosti i književnosti u rangu viteza



Ambasadorka Francuske u Srbiji Kristin Moro uručila je poznatom muzičaru i kompozitoru Goranu Bregoviću orden Umjetnosti i književnosti u rangu viteza.

Na prijemu u Ambasadi Francuske, Moro je istakla da je Bregović znamenita ličnost na međunarodnoj muzičkoj sceni, posebno u Francuskoj, u kojoj redovno boravi i gdje već 25 godina u mnogome doprinosi da se pobudi interesovanje za narodnu muziku Balkana.

Govoreći o njegovoj karijeri, ambasadorica je istakla da je saradivao sa nebrojeno mnogo muzičara i pjevača sa svih geografskih podneblja i muzičkih horizonata, ali da je istovremeno podvlačio suštinski doprinos Roma svjetskoj muzici.

Prema njenim rečima, Bregovićev poslednji album "Šampanjac i Cigani" pravo je svjedočanstvo te svetkovine i radosti.

On je, dodala je ambasadorica, pokazao da muzika nema granica, ni u prostoru ni u vremenu i da je to univerzalni oblik.

Bregović daje mogućnost svima koji su na neki način isključeni, kao što su Romi, da se izraze na ravnopravan način, što je jedno veliko bogatstvo, istakla je ambasadorica Francu-

ske i dodala da mu se Francuzi zahvalju što brani te ideje.

Ona je podjsetila da je Bregović rođen u Sarajevu, Srbin po majci, Hrvat po ocu i da je u svijet muzike ušao učeći da svira violinu, ali su ubrzo gitara i rok end rol postali ono što ga privlači.

Paralelno uz upisivanje studija filozofije i sociologije osnovao je grupu Bijelo Dugme, kojoj je prvi album iz 1974. godine donio ogroman uspjeh, a nakon toga je započeo i saradnju sa rediteljem Emirom Kusturicom.

Ambasadorka je istakla da je jedan od značajnih momenata u njegovom životu bilo komponovanje muzike za film "Kraljica Margo" i dodala da Bregović 1997. odlučuje da se posveti prvenstveno izvođenju svojih kompozicija sa Orkestrom za svadbe i sahrane.

Bregović se zahvalio na ordenu koji mu je, u ime francuskog ministra za kulturu i komunikacije, uručila ambasadorica Francuske, ukazavši da on dolazi iz jedne sasvim male kulture u odnosu na francusku kulturu.

Velika je stvar znati da ta velika kultura može da odlikuje nekog kao što smo mi, dodao je Bregović.

OSCAR 2015

“Birdman” je kasno poletio, ali je imao veličanstven let



Ovogodišnju dodjelu Oscara vodio je Neil Patrick Harris, priznati brodvejski prvak i glumac koji je dobrim šala u uvodnom (pjevačkom) monologu gledaocima dao do znanja da su ga ljudi iz Američke filmske akademije izabrali za voditelja baš zbog nepogrešivog smisla za humor.

Lecnuli su se zbog Harrisova Oprah Winfrey, Clint Eastwood, John Travolta... cijeli Hollywood i mašinerija za pravljenje bestidnih nastavaka, sequela/threequela. Tokom cijele ceremonije trudio se Harris očuvati prvoklasan zabavljajući duh. Imao je svoj momenat sa “posuđenom” scenom iz “Birdmana”, u kojoj protagonist Riggan Thompson u interpretaciji Michaela Keatona mora samo u donjem vešu prepješačiti do pozornice; Harrisova izvedba izazvala je salve smijeha.

Iskreno, najbolju šalu na cijeloj dodjeli, po mišljenju autora ovog komentara, ispalio je Jared Leto predstavljajući nominovane u kategoriji za najbolju sporednu glumicu, rekavši da su u skladu sa naknadno donesenim kalifornijskim zakonom nominovane tri glumice i Meryl Streep (ne prođe filmska godina da Meryl ne bude nominovana). Oscar je zaslužio osvojila Patricia Arquette za performans u filmu “Boyhood” Richarda Linklatera. Usput, “Boyhood” je u pet kategorija - najbolji film i reditelj, originalni scenarij, sporedni glumac i montaža - ostao kratkih rukava.

“Birdman” je kasno poletio, ali je imao veličanstven let. Alejandro González Iñárritu tri je puta izlazio na binu da primi Oscare u kategorijama za originalni scenarij, režiju i najbolji film. Zaista zaslužio. Treba uz to spomenuti i drugi Oscar za Emmanuela Lubezka za najbolju fotografiju; prošle godine ga je osvojio u istoj kategoriji za “Gravity” Alfonsa Cuarona, prvog Meksikanca sa Oscarom za najbolji film. S obzirom na činjenicu da ga je dobio godinu kasnije, Iñárritu je tek drugi Meksikanac s tom nagradom. Sve u svemu, možemo uzviknuti: “Viva Mexico!”.

Iñárrituova genijalnost u “Birdmanu” primijeti se u svakoj izgovorenoj replici i dijalogu kojim je izrazio kritiku na račun kompletnog Hollywooda, glumaca i zvijezda, te onih kritičara koji njihov (njegov) rad mogu uništiti za one obične, zadivljene smrtnike. Cijela ta scenarijska bravura je majstorski prevedena na filmski jezik, što je Akademija i priznala dodjeljujući mu sve pomenute Oscare.

U oskarovskim predviđanjima potpisnik ovih redova je pogodio sa svim glumačkim kategorijama: Julianne Moore je osvojila kipić za portret žene koja boluje od Alzheimerera u “Still Alice”, Eddie Redmayne za ulogu Stephena Hawkinga u “The Theory of Everything” i J. K. Simmons kao sporedni glumac u filmu “Whiplash”. Akademija je po milioniti put do-



kazala da postoji recept za osvajanje Oscara u glumačkoj kategoriji: interpretacija mentalno i/ili fizički nesposobne osobe - to vrijedi za glavne glumce, kod sporednih se cijeni istinski talent.

“The Grand Budapest Hotel” Wesa Andersona, ingeniozan kakav jeste, pokorio je “umjetničke kategorije” – produkcioni dizajn, kostim, šminku i najbolju muziku. Andersonova “začudnost” značajno se odslikala upravo u tim kategorijama, što mu je uskratilo ostale, vjerovatno bitnije nagrade, ali ni ova četiri Oscara nisu za odbaciti.

“Whiplash” je pored sporednog glumca osigurao Oscare u kategorijama za najbolju montažu i miks zvuka, što je bilo za očekivati, s obzirom na to da se radi o muzičkoj drami u kojoj će i doći do izražaja upravo ti segmenti.

Vizuelni efekti su dakako bili najveći adut filma “Interstellar”, te je i pobijedio među tipičnom blockbuster konkurencijom filmova o superjunacima i prequelima poznatih franšiza. Najbolje adaptirani scenarij je onaj Grahama Moora za film “The Imitation Game”, čime je Akademija potvrdila činjenicu da voli nagrađivati i ohrabrivati mlade scenariste. Disney je ponovo likovao osvojivši Oscare u obje kategorije, kratkog i dugometražnog animiranog filma (“Feast”, “Big Hero 6”).

Nagrađen je i dokumentarac “Citizenfour” o “whistlebloweru” Edwardu Snowdenu, a najboljim stranim filmom proglašen je poljski film “Ida” Pawela Pawlikowskog iako su se koplja lomila između “Ide” i ruskog “Leviathana”.

Film kao umjetnost

Akademijini glasači gotovo svake godine sa preciznošću najvećih matematičara izmjenjuju favorite, s obzirom na to kojoj grupaciji pripadaju: filmovi epskih razmjera (“Boyhood” sniman 12 godina), oni koji pripadaju nekoj srednjoj kategoriji (fizički nesposoban lik/homoseksualac, inspirisan stvarnim događajima po mogućnosti upakovanim u mučnu i dirljivu dramu – “The Theory of Everything”, “The Imitation Game”), te, naravno, mali filmovi (narativno pregledna drama, ne previše art, s porukom i, što je najvažnije, liberalnim pogledom na svijet – “Selma”, “Whiplash”).

Možemo biti sigurni da će se i naredne godine na Akademijinoj listi naći filmovi istih ovih karakteristika, što opet možemo uzeti za dokaz da Hollywood ima zacrtane poglede na film kao umjetnost, što je dobro, jer film prvenstveno i treba da bude umjetnost, pa tek onda pučka zabava

Edin Džeko:

Volio bih da se Misimović vrati

Problem kod Misimovića je što još nema klub i ne znam kakav je njegov status u reprezentaciji, ali lično bih volio kada bi ponovo bio dio tima.

Edin Džeko, kapiten reprezentacije BiH i član engleskog šampiona Manchester City-ja u intervjuu otkrio je da bi volio da se Zvezdan Misimović vrati u reprezentaciju BiH i šta očekuje u timu City-ja do kraja sezone. Također, Džeko otvoreno govori o Mehmedu Baždareviću, koji je preuzeo klupu Zmajeva od Safeta Sušića.

Koliko vas je povreda stopirala i kada možemo očekivati "starog" Edina?


DŽEKO: Nisam navikao biti povrijeđen, tako da je za mene to bila sasvim nova situacija. Najprije povreda lista desne noge, a zatim povreda lista i lijeve noge. Svakog igrača bi to izbacilo iz ritma, pa tako je i mene. Polako se vraćam u

ritam i sada mi je potrebno samo više utakmica kako bih ponovo bio onaj stari. Osjećam se svakog dana sve bolje i bolje, a vjerujem da će ovoj mojoj tvrdnji uskoro stići i potvrda na terenu.

Gdje sebe vidite u ekipi Manchester Cityja nakon što je u ekipu stigao Wilfried Bony? Koliko je konkurencija važna za sam kvalitet?

DŽEKO: Konkurencija je itekako bitna. City je tim koji želi svake godine osvojiti sve trofeje i sasvim je normalno da se igrački kadar stalno ojačava. Bonya jako cijenim, jer ga znam iz Premiership-a, ali svi imamo svoje mjesto u ekipi. Do kraja je ostalo još mnogo da se igra i svi ćemo dobiti priliku za dokazivanje.

Chelsea ima lijepu prednost u ligi, ispali ste iz Fa kupa, šta može City uraditi u ovoj sezoni?



DŽEKO: Nadamo se da ćemo uspjeti odbraniti naslov prvaka Engleske, jer nam je to zapravo osnovni cilj. Ispali smo iz kupova, što je malo poremetilo planove, ali vjerujemo da možemo na kraju sezone preteći Chelsea, koji i nije mnogo odmakao. Trudićemo se da ih stignemo i na kraju prestigne-

neizvjesne utakmice.

Vi ste dugo bili povrijeđeni, Ibišević također, a mnogi od reprezentativaca nisu u formi. Koliko reprezentacija može u nastavku kvalifikacija?



mo, jer smatram da imamo snažan igrački kadar, koji može ostvariti taj podvig.

Prelazni rok je završen po medijima se spominjao odlazak u Tursku, da li je uopšte bilo ponuda?

DŽEKO: Kao i svake zime i ljeta mediji me konstantno sele iz Citya u neki od klubova, a ja sam već godinama u Manchesteru. Ne komentarišem nikakve špekulacije, jer da to radim, onda bih cijeli dan morao trošiti na takve stvari, s obzirom na količinu špekulacija koje se pojavljuju. Rekao sam već prije, a evo i ponovit ću - fokusiran sam samo na Manchester City i reprezentaciju, ostale stvari i nagađanja me zaista ne interesuju, niti se zamaram time.

Često se pojavljujete u društvu Aleksandra Kolarova i Stevana Jovetića. Ko je pored njih još u Cityju osoba s kojom često volite da se družite?

DŽEKO: Sasvim je normalno da se najviše družim sa Kolarovom i Jovetićem, jer dolazimo sa istog govornog područja. I sa ostalim suigračima provodim jako mnogo vremena, ali Alex i Stevan su mi najbliži.

City ponovo igra s Barcelonom u Ligi prvaka, šta možete uraditi u dvomeču?

DŽEKO: Vjerujem da smo naučili mnogo iz dvomeča protiv njih prošle sezone. Nismo nadigrani, a u jednoj utakmici smo primili gol u posljednjim minutama, a u drugoj smo imali igrača manje. Barcelona je odlična ekipa, koja godinama igra u Ligi prvaka i iskusniji su u ovom takmičenju od nas, ali vjerujem da imamo snagu da ih prođemo. Dat ćemo sve od sebe da to i ostvarimo, a mnogo toga zavisi i od toga kako ćemo se mi postaviti. Imaju jak ofanzivni dio, ali i mi imamo adute da im se suprostavimo. Očekujem dvije

DŽEKO: Nekako se sve okrenulo protiv nas, ali vjerujem da možemo mnogo do kraja kvalifikacija. Potrebno je da cijela ekipa povрати samopouzdanje, a to možemo samo pobjedama. Ići ćemo od utakmice do utakmice i pokušati ostvariti zacrtano. Prva u nizu utakmica je Andora, koja je bitna jer je prva u 2015. jer su se neke stvari u međuvremenu promijenile i jer moramo pobijediti. Ne potcjenjujemo nikoga, pa tako ne ni Andoru, iako je jasno da smo mi apsolutni favoriti, ali bili smo favoriti i protiv Kipra. Dakle, u svakoj utakmici moramo dati maksimum i tako će i biti.

Treba li Zvezdan Misimović do kraja kvalifikacija reprezentaciji?

DŽEKO: Svaki igrač koji može pomoći reprezentaciji nam je potreban. Problem kod Misimovića je što još nema klub i ne znam kakav je njegov status u reprezentaciji, ali lično bih volio kada bi ponovo bio dio tima, kako on tako i svi ostali koji su se oprostili.

Koliko mislite da selektor Mehmed Baždarević može donijeti novoga Vama i bh. reprezentaciji?

DŽEKO: Već je donio mnogo toga novog. Znam da mnogo putuje, a vidjeli smo se dva puta - jednom u Engleskoj, kada je posjetio Begovića i mene, a jednom u Sarajevu. Upoznaje se sa svim igračima, što je nama fudbalerima itekako bitno. Razgovara, planira unaprijed i nadam se da je pred nama lijepa budućnost. Vjerujem da će njegov studiozan pristup problemu i nama igračima dati rezultate u ovim kvalifikacijama i da ćemo se, što nam je vjerujem svima cilj, na kraju uspjeti plasirati na Euro. Ja itekako vjerujem u to, iako sam svjestan da će biti teško. Međutim, dok god postoji i promil šanse - borit ćemo se.

**OVAN** (21.03 - 20.04)

Ušli ste u razdoblje pogodno sticanju materijalnih i duhovnih vrijednosti. Neki će dati prednost ovim prvim, ali će se naći u situaciji da više i troše. Kada je u pitanju novac, idete iz krajnosti u krajnost.

**BIK** (21.04 - 20.05)

Puni ste optimizma i želite završiti započeto. Ne budite egoistični, posebno u odnosu prema partneru. Zar niste primijetili da pokušava izbjeći vašu kontrolu, kao što, uostalom, i vi izbjegavate njegovu?

**BLIZANC** (21.05 - 20.06)

Sami ste sebi najveći prijatelj. Zato dobro izanalizirajte sve svoje postupke, kao i postupke drugih, pa ćete shvatiti ko je zapravo u pravu. Možda ste pretjerali s osuđivanjem nekih osoba iz bliže okoline.

**RAK** (21.06 - 20.07)

Bavite se sobom i onim stvarima koje vas vesele. Ukoliko ne pretjerate, dobro ćete postupiti. S obzirom da biste mogli zastraniti, počnite se intenzivno družiti s prijateljima i s njima razmjenjujte iskustva.

**LAV** (21.07 - 21.08)

I dalje nižete uspjehe. Stalo vam je ne samo do toga da vas okolina cijeni, već i do novca. Morate voditi računa o onome od čega se živi. Ušli ste u povoljno razdoblje za rad, pa nećete ostati neprimijećeni.

**DJEVICA** (22.08 - 22.09)

Ovo razdoblje je povoljno za one koji se bave pravom, filozofijom ili stranim jezicima. U ovim područjima ćete uz minimum napora postići maksimalne rezultate. Budite oprezni i nemojte se zalijetati.

**VAGA** (23.09 - 22.10)

Imate osjećaj da vam novac klizi iz ruku. Osjećaj je pravi jer su želje uvijek veće od mogućnosti. Uspješno se oporavljate od zdravstvenih problema. Mnoge Vage imaju problema s jednom muškom osobom.

**ŠKORPIJA** (23.10 - 22.11)

Mnoge usamljene Škorprije napokon shvataju prednost života u zajednici. Ukoliko nisu ozvaničili vezu, eto prilike! Ako se upravo spremate uploviti u bračnu luku, šanse da brak uspije su velike.

**STRIJELAC** (23.11 - 20.12)

Bacili ste se na novi posao u kojem do izražaja dolaze vaše sposobnosti. Na izvjestan način ćete se i emotivno srediti. Iako ste bili prilično nervozni, ukučani su vas trpjeli znajući da je to stanje prolazno.

**JARAC** (21.12 - 19.01)

Nezadovoljni ste emotivnim životom, pa ćete maštati o tome kako prevariti partnera. To najvjerojatnije nećete učiniti jer ste osoba koja drži do moralnih vrijednosti. Volite čiste situacije.

**VODOLIJA** (20.01 - 18.02)

Rješavate imovinsko-pravne probleme. Naglašena je potreba za sigurnošću materijalne prirode. Nesigurnost i neraspoloženje vješto prikrivate. Ne želite da drugi misle da ste slaba i neuspješna osoba.

**RIBE** (19.02 - 20.03)

Ljudi iz vašeg okruženja misle da se čudno ponašate. Partner se slaže s time i smatra da ste bezrazložno neugodni i selektivni. Iako vam pokušava ukazati na pogreške, u tome neće uspeti.

Mala riznica velikih misli



Ivo Andrić (1892 - 1975)

Što ne boli - to nije život; što ne prolazi - to nije sreća.



William Shakespeare (1564 - 1616)

Bio čist kao led i bijel kao snijeg, ipak nećeš izbjeći kleveti.



Mahatma Gandhi (1869 - 1948)

U glavi pijanog čovjeka vrti se tek poslije dvije ili tri čašice, a u glavi sujetnog čovjeka vrti se već poslije prvog laskanja.



Immanuel Kant (1724 - 1804)

Bez poštovanja nema istinske ljubavi.



Francois - Marie Arouet de Voltaire (1694 - 1778)

Žene su kao vjetrokazi, prestanu se vrtjeti tek kad zahrđaju.



Lav Nikolajevič Tolstoj (1828 - 1910)

Ljudi se dijele u dvije vrste: jedni prvo misle a zatim govore i rade, drugi prvo govore i rade a tek zatim misle.

LAŽNJAK: Lopov vratio Lupitinu haljinu sa biserima jer su lažni

U haljinu je utkano 6.000 bisera i vrijednost joj je procijenjena na 150.000 dolara, ali ne zbog bisera, već samo zbog dizajnerskog imena.

Glumici Lupiti Niong ukradena je haljina od bisera koju je nosila na dodjeli Oskara, a sada joj je i vraćena budući da je lopov shvatio da su biseri lažni.



Lupita je bila ostala bez Kelvin Klajn haljine i koja je napravljena posebno za nju.

Naime, lopov koji je haljinu ukrao ušunjavši se u sobu na kojoj su vrata ostala odškrinuta, skinuo je dva bisera i odnio na procjenu. Međutim, biseri nisu bili pravi pa je lopov haljinu ostavio u kesi za smeće u hotelu odakle ju je i uzeo. On je navodno pozvao uredništvo portala TMZ i rekao gdje je haljina dodavši da je u pitanju bezvrijedni lažnjak.

17- godišnja Kylie Jenner sama kupila kuću za 2.7 miliona dolara

Najmlađa sestra iz familije Kardashian/Jenner odlučila je da je vrijeme da i ona napravi odmak od "mamadžerice" Kris, te je pronašla kućicu u kojoj će moći nesmetano tulumariti s frendovima i planirati budućnost. Riječ je o luksuznoj kući od 4900 kvadrata koja ima 5 spavaćih soba, bazen, kino dvoranu, knjižnicu i, naravno, čak 3 garaže kako bi Kylie imala gdje parkirati svoje ljubimce na 4 kotača.



Kuća se nalazi u naselju The Oaks u Calabasasu, što znači da će Kylie i dalje biti u istom susjedstvu kao i Khloe i Kourtney, ali i mama Kris, za koju se pretpostavlja da je i uvjetovala da selidba dolazi u obzir samo u tom kvartu.

Useljenje mlađahne Kylie sigurno će posebno razveseliti nove susjede koji vjerojatno još nisu ni svjesni činjenice da je gospođica Jenner dala ugraditi posebno jake zvučnike u kuću i u vrt.

Sharon Stone nakon moždanog udara: Iznova sam učila da hodam, govorim i čitam

Sharon Stone, seks simbol Holiwooda, doživjela je težak moždani udar 2001. godine. Četrnaest godina nakon ovoga glumica je prvi put otkrila i opisala kako je izgledao proces oporavka.

-Bila sam na intenzivnoj njezi 11 dana, a vjerovatnoća da ću preživjeti nije bila velika. Imala sam jak moždani udar i devet dana nisam prestajala da krvarim.

Naredne dvije godine učila sam da hodam i govorim, a dvije godine nisam mogla da čitam- ispričala je glumica. Takođe, ona je rekla da se tada odrekla svih poroka.

-Nije mi žao. Teško je kada shvatite da možda nećete dočekati starost- priznala je glumica.

Danas se Stounova u potpunosti oporavila od moždanog udara, a njena karijera je nastavila da ide uobičajnim tokom.

Uskoro će se pojaviti u novoj televizijskoj seriji "Agent X", u kojoj će igrati prvu ženu na funkciji potpredsjednice SAD-a.



su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

3	8	2	1	6	7	5	9	4
5	7	9	3	8	4	6	1	2
1	6	4	2	9	5	7	3	8
2	9	5	7	4	1	3	8	6
6	3	7	8	5	9	4	2	1
8	4	1	6	2	3	9	7	5
4	1	6	9	3	8	2	5	7
9	5	8	4	7	2	1	6	3
7	2	3	5	1	6	8	4	9

		5	8			4		
	4			7		9	3	
	6							2
2					1		4	
				4				
	1		3					7
4							1	
	3	8		1			5	
		9			6	7		

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:

Europa Magazine (pretplata), P.O. Box 867, Lawrenceville, GA 30046-0867

E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
[] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____



E-mail: redakcija@europamagazine.info • Tel: 678.743.5731

Europa Magazine (pretplata) • P.O. Box 867 • Lawrenceville, GA 30046-0867

DIK BROWNE HOGAR STRAŠNI



◇
Pajkan zaustavi vozača i kaže:
- Ja tebi četvrti put vičem da ti nešto curi iz kola!
Vozač će na to:
- A ja tebi opet kažem da je ovo cisterna za pranje puteva!

◇
Muž i žena imaju 25 godišnjicu braka. Muž pita ženu, čime da je obraduje na godišnjicu. A žena će:
- Izvedi me u striptiz bar, baš bih rado vidjela striptizete, kako se svlače.
Kaže muž:
- Šta ćeš tamo? To nije za tebe.
Žena ne popušta:
- Pa svejedno bih htjela vidjeti, a pošto znam da si stidljiv, ja sam već kupila karte.
- Pa neka ti bude! - muž jedva pristane.
Kada su došli u bar, u garderobi ostaviše stvari, kaže garderoberka:
- Dobar dan, gospo'n Perić.
Žena ga pogleda, a muž brzo objasni da

je to kćerka od kolege. Kada su se smjestili za sto, konobar pozdravi:
- Dobar dan, gospo'n Perić.
Žena ga ljutito pogleda, a muž će brzo:
- Ah, draga, taj je bio konobar u našoj menzi na poslu.
Žena ga opet pogleda ispod oka i jedva mu povjeruje. Predstava počne i striptizeta se svlači. Dođe do gaćica i upita publiku:
- A ko će mi danas skinuti gaćice?
I cijeli bar se razdere u jedan glas:
- Perić!!!
Žena se naljuti i ljutito ode iz bara. Muž za njom sav nesretan:
- Draga, to su mi podmetnuli! Te ljude uopšte ne poznajem! Ljubavi moja!
Vjeruj mi, molim te!
Žena sjedne u taksi, muž je jedva stigne i sjedne u isti taksi. Kad su se smjestili u taksi, taksista pozdravi:
- Dobar dan, gospo'n Perić. Šta Vam je danas? Toliko dobrih kurvi smo vozili, a danas izaberete takvu staru babetinu?

vicjevi

MALI OGLASI

Europa magazin Vam nudi besplatne privatne male oglase do 20 riječi.
Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

Prodaja

Prodajem zemljište u Dobrim Vodama, Bar blizu plaže sa građevinskom dozvolom, 226m². Cijena po dogovoru. Tel: 718 545 7783

Izdajem trosoban stan u Sarajevu (Alipašino Polje, "A" faza) na vremenski period od 2-5 godina. Tel: 314 488 1798

Prodajem dvosoban stan od 50 m² u Zenici (Crkvice 35), 8 sprat u vidjenom stanju. Vlasništvo 1/1. Cijena 60.000 km u neto iznosu. Tel: 011 387 32 227 865 (Zenica) ili 904 733 0813 (Florida).

Prodajem kuću na sprat 117m² u Novom Travniku, centar grada.

Mali poslovni prostor. Cijena po dogovoru. Tel: 01149 703 123 5002

Prodajem stan: Podlugovi, zgrada željeznička stanica, papiri 1/1, 54m², potrebna adaptacija. Tel: 206-769-4447

Prodajem stan u Tuzli 63m². Cijena 1100km/m² ili po dogovoru. Lokacija Dragolod (blizu stadiona). Tel: 727-488- 3164

Prodajem kuću, predgrađe Sarajeva, 140m², telefon, struja, voda, 4 duluma zemlje sa 108 voćaka. Tel: 011381 64 886 2544

Prodajem stan u centru Zenice sa 2

balkona, potrebna adaptacija. Cijena po dogovoru. Tel: 718 545 7783

Prodajem trosoban stan 83m² na trećem spratu u Lukavcu. Tel: 904 514 2133

Prodajem kuću 10X10m² na sprat (plac 400m²). Centar Banovića. Tel: 011387 66 396 960

Razno

Povoljno i sigurno čuvanje Vaše djece-Lawrenceville. Tel: 404 819 3419

Upoznao bih ženu, bosanku, staru do 60. godina radi druženja. Tel: 314-484-5049

Traži se žena za čišćenje kuća. Fleksibilni sati. Mogućnost dobre zarade. Sve informacije na telefon: 404-547-7017

Živim u Njemačkoj sa bratom. Željela bih upoznati muškarca 60-ih godina radi druženja i braka. Tel: 01149-703-123-6738

Živim u U.S.A. država Teksas i željela bih upoznati slobodnog muškarca koji živi ovdje u U.S.A. od 55 godina radi zajedničkog druženja i mogućeg braka. Tel: 469-449-7095

Prodajem harmoniku Dallape Super Maestro 12+1+7. Tel: 727 333-1317

KUPON ZA BESPLATNE MALE OGLASE DO 20 RIJEČI

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA -

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine
ISSN 1939-3423
Address: P.O. Box 867
Lawrenceville, Georgia 30046-0867
United States of America
Phone: +1 (678) 743 5731

Europa

E-mail: editor@europamagazine.info
www.europamagazine.info

Issued: monthly

Editor-in-chief: Haris Delalić
Senior Photographer and Graphic Design Manager: Dan Dalibor Spalat
Graphic Design: Aldin Ajanovic,
Internet Presentation: Damir Setkic
Freelance writer Europe: Milan Pekić
Community: Enes Selimović
Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina
BosnaTV
bosnatv.com
USA/Kanada 1.800.771.0790

 **FASTV**
www.fastv.com
1-866-639-8911

EMC CARGO

WWW.EMCCARGO.COM




 **\$1.290**

AUTOMOBIL

 **\$1.390**

SUV/VAN

 **\$690**

MOTOR

 **\$790**

JET SKI/ATV

 **\$99**

PAKET

 **od \$100**

NAMJEŠTAJ
(po komadu)

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271